

金史詳校

金史詳校卷五

烏程施國邢學

卷五十九

宗室表

序 書名不書氏 集禮大定二年太常寺擬得三從皇
親不通姓外其餘宗室及賜姓者並通姓氏奉旨准奏
祖免以上親皆有屬籍 世紀大定十六年正月甲子詔
宗屬未附玉牒者並與編次章紀承安五年三月庚申
大睦親府進重修玉牒

與安帝凡三人 三當作二

昭祖 辭不失 下格已加鶻沙虎

真定留守

宗亨 當加注本名撻不也

宗賢 當加注本名賽里

跋黑 下格已加斜幹

崇浩右丞相 浩下當加注本名老 右已作左 又下

格已加天下奴

宿直將軍

景祖會孫 宗翰普國王 普已作泰元作晉傳亦作晉

乘德 當加注本名乙辛 又據攷異此後行當加特里

乂里二人

斜哥 已加注勸農副使 元此格空缺 又後行當加

益買

七

宗憲 當加注本名阿蘭

撒入 下格賽里二字北本脫

劾孫沂國公 沂已作鄭

謾賄 當加注襲猛安 下格已加掃合襲猛安 撒合襲猛安

安惟鎔本名沒烈 鄧州經畧使 從傑鎮南節度副使 案加入四代此世

次當添改作六橫格思敬行同

賽也 後隔一空行當加蒲里迭 又蒲里迭下格當加

鶻魯補據晏傳 兄子

宗尹 當加注本名阿里罕 又下格已加銀木可襲猛安

宗甯 當加注本名阿土古

阿离合懣 各本在晏上格已改入前二行養也上格

宗道 當加注本名入十

治訶魯補 魯上已加阿

世祖 幹帶 下空一格當加活里甲

幹賽鄭王 鄭已作衛

宗承 當加注本名挑撻

幹者 下空一格當加耶魯

宗敘 當加注本名德壽

查刺 熙紀作暈

鶴壽 當加注本名吾都補

子穆宗勗 已改入後四行撒祝後

撻懶 已改作昌

本名撻懶

下格當加幹帶烏荅補二人

蒲察 案史文稱蒲察者多指石家奴惟太祖紀收國二

年四月從幹魯討高永昌

幹魯完顏忠傳同

銀朮可傳從銀朮

可敗奚王霞末

果傳同

兩事不見於石家奴傳當卽此

子康宗

謀良虎

已改作宗雄

本名謀良虎

余里也 下空一格蒲帶二字當升上一格

蒲帶上京路提刑使 上當改北

桓端金紫光祿大夫 已改金吾衛上將軍

孫太祖

充代王

充下當加注本名神土滋

代當作鄭

永元 已加注彰德節度使

耶補 補不已加兒

充 當加注本名梧桐

襄 當加注本名永慶

袞 當加注本名蒲甲

齊 當加注本名受速 已加注特進

京 當加注本名忽魯 各本京在文前一行已改文前

京後

文 當加注本名胡刺

亨 當加注本名字速

羊蹄 各本在亨後一行並格已改入亨下一格

宗傑 當加注本名沒里野

阿懶 宗傑傳作阿楞

撻懶 宗傑傳作撻楞

宗雋 當加注本名諷魯觀

宗強 當加注本名阿魯

爽 下格已加思列忠順軍節度副使

宗敏 當加注本名阿魯補

褒 當加注本名撒合犖

太宗子宗磐 當加注本名蒲盧虎

宗固幽王 固下當加注本名胡魯 土下當加注大定

二年改封魯王 下格已加胡里刺 又胡里刺後行

已加京

本名胡失來金
吾衛上將軍

宗雅代王 已加注本名斛魯補中京留守改封曹王

阿魯補

已改作宗偉

本名阿魯補

斛沙虎

已改作宗英

本名斛沙虎

案集禮天德二年四月

時享平章政事滕王攝太尉初獻當是

宗懿薛王

已加注本名阿隣中京留守改封鄭王

宗本

當加注本名阿魯

下格阿里虎前行已加莎魯

刺

阿里虎 傳作鎖里虎

宗美豐王 已加注本名胡里甲判大宗正改封衛王

神土門鄆王 當加注改封幽王

斛孛速霍王 當加注改封濟王

幹烈蔡王 當加注改封鄂王

宗哲畢王 已加注本名鶻沙益都尹改封韓王 案卽

集禮皇統七年充東京孝甯宮御容使者

宗順徐王 已加注本名阿魯帶改封隨王

北京留守卞 卞北作下非

景宣 元 下格已加育 本名合住 太宗正丞

海陵

子光英

當加注本名阿魯補

世宗

子永中

當加注更名寶魯刺

永功

當加注更名朱葛

璿

下格已加守禧

永成

當加注更名婁室

永升

當加注更名斜不出

永蹈

當加注更名銀木可

永德

曹王 當加注更名譎出

曹已作潞

顯宗

子瓚

已改從彝

琦

已改從憲

阿古迺不也 各本在阿古迺行第三格已改在次行第

二格

合住 各本在阿古迺次行第三格已改在三行第二格

余里池 各本在蒲速越後行並格已改在蒲速越本行

下一格

布輝 各本在余里也後行並格已改在蒲速越本行下

二格

保活習失 後行當加蟬蠶

思敬 下空一格當加吾侃木特

明威將單

婆盧當加注特進

火子婆速

昔扎忽 已加注節度使 後行當加幹帶

胡特孛山 傳作胡魯補山

什古 古下當加迺

囊 下格當加思烈

中京留守

子治訶 阿魯補元帥右將軍 當移入骨釵後行 將當作

監

喜哥 當加注宣武將軍

阿魯補子烏帶 此下已加兀荅補

同知大興尹

烏也阿補

等硯二

格

銀朮可拔离族子 各本在第二格已改升第一格 离

下當加速 子當作弟

麻吉 各本 第二格已改升第一格

卷六十

宋交聘表上 / 案此表文成三卷史官不過按年紀載文
簡事略幾如土木衣冠徒具形似而已凡與宋兩朝百
餘年間國勢之強弱兵盟之起伏稱號之升降銀幣之
增減書表之倨遜禮物之隆殺往還之月日疆至之南
北使副之銜位紀傳之異同率有未詳且多謬譌雖於
諸史外自創體例而於本史中初無發明校讀之暇因
取宋史及北盟會編繫年要錄弔伐錄中興禦侮錄思

陵錄合璧事類文獻通攷武陵舊事遼地志河朔訪古
記靖康前錄節要靖康紀聞庶人實錄汴都記遺史宣
和錄靖康要盟錄時政紀雲麓漫鈔攻媿集茗溪集程
史征蒙記回鑿事實大金國志文定集澗泉日記圖經
神麓記中州集墨林快事媿鄭錄二老堂雜志敗盟記
隸釋朝野雜記蘆浦筆記齊東野語歸潛志誠齋集蘭
亭續攷老學庵筆記并宋臣諸使錄燕雲奉使錄茅齋
自攷宣和奉使錄
松漠紀聞北征紀實奉使行程錄清波雜志坡下奉使
錄山西軍前和議錄建炎通問錄紹興甲寅通和錄奉
使雜錄館伴口錄隆興奉使審議錄北行日錄海野詞
攬轡錄乾道奉使錄絕妙好詞北轅錄奉使執禮錄重
明節館伴語錄燕谷剽聞
奉使記使燕錄使金錄等書攷而正之庶使議戰議

和稍見端委

全祖望鮎埼亭集與杭堇浦論金史第一帖子交聘表中其于史事但書其人若以

北盟會編諸書取其節目之有關係者補入之則旁行之譜較不寂寞

所恨書多借鈔搜

采不博加以己已寓穴舊藏副墨一炬而空比年重加

輯錄聖漏尤多不足觀也 又今表擬以本文爲綱諸

書作注必須改錄全文凡例中當削當加改入改作等

字翻恐礙目俱難注入故與紀志傳例及夏高麗表文

不同 又金源使聘顛末自三國外前與契丹後與蒙

古亦大有爭盟事在初擬繫年補載表後故取契丹國

志遼史拾遺聖武親征錄北使記等書節鈔備採自四

史燬而底冊亦亾所可記者止有僧家奴辭刺乙里只

塔忽之往來其間若東懷國之封儀龍駒河之召對都
付寒灰毒燄中莫由詳攷痛定思之幾於前塵影事非
不知拾殘可補而心神不屬矣可勝浩歎

序 立梁楚 當作立楚齊

或用借授 用北作月非

始通好 宋史徽宗紀政和三年二月甲午以遼女真相
持詔河北沿邊防守

太祖收國元年 乙未 宋政和五年

二年

丙申 政和六年

天輔元年

丁酉 政和七年

○八月宋使高藥師等渡海空回

案表

及純皆以馬政請地在是年弔伐錄大金國志同殆
忘其爲渡海空回也據徐夢莘三朝北盟會編改正

二年

戊戌

宋改重和元年

○閏九月宋遣登州防禦使馬政來

聘請石晉時陷入契丹漢地

會編四月廿七日遣馬政呼延慶使女真閏九月九

日下海二十七日至女真所居阿芝川凍流河見其用
事人曰粘罕阿忽兀室皆呼郎君問遣使之由政對以
建隆買馬事願通前好共伐大○十月遣散覲報聘于
遼阿姑打與粘罕等共議數日

宋所請之地與宋夾攻得者有之本朝自取不在分割

之議

會編女真發李善慶小散覲勃達三人齋國書并
北珠生金貂皮人參松子爲贄同馬政來于十二

月二日
至登州

三年

己亥

宋改宣和元年

○會編正月十日李善慶等入國門

皆補官三月十八日差趙良嗣趙有開王瑗充使齋詔
書禮物與善慶等往聘良嗣欲用國書有開議用詔書

善慶以二者皆可卒從有開議至登州有開會得諜者
妄言契丹與女真修好遂罷行僅差呼延慶等用登州
牒遣李善慶等歸○朱禮志金國聘使見辭儀金使李
善慶等來遣直秘閣趙有開偕善慶等報聘已而金使
復至用新羅使人禮○六月宋遣呼延慶來留之至十二月遣歸
會編六月三日呼延慶至軍前國主貴以中輟拘留之
十二月二十五日遣慶回語云跨海求好非吾家本心
共議夾攻非吾求爾爾家讀我我家報聘乃欲結好豈
聞使回不以書示我而以詔詔我已非其宜本欲留汝
念非卿罪如皇帝果欲結好滅遼
請示國書若用詔書斷難從也

四年

庚子
宣和二年

○四月宋復使趙良嗣王瓌以書來議燕

京西京地

會編二月廿一日呼延慶回三月一日詔趙
良嗣王瓌往議夾攻契丹并燕地歲幣等事

詔面約不齎書惟付以御筆○趙良嗣燕雲奉使錄三
月廿六日登州渡海四月十四日抵薊州關下會女真
攻上京良嗣自咸州會于靑牛山見于龍岡致議約之
意大抵以燕京一帶本漢地欲相約夾攻女真取中京

本朝取燕京約定議歲賜良嗣許三十萬御之卒與契丹五十萬舊數良嗣因問燕京一帶舊漢地并西京是也國主云待擊了契丹阿适也與南朝良嗣又言平營灤本燕京地分高慶裔云今議燕京此別是一路國主云言已定更不可改緣軍上不遣使止付事目一紙女真兵自松林趨古北口南朝兵自雄州趨白溝夾攻不可違約護送東歸過鉄州復追回遣楊朴諭云郎君們意思不肯將平州畫斷作燕京地須看方便復與粘罕約六事云北兵不得過松亭古北榆關之南一也地至以榆關爲界二也不可與契丹講和三也西京蔚應朔三州近南將來舉兵先取歸化奉聖等州候擊了阿适交割四也將來本朝取了燕京係官錢便除去五也事定後當于榆關東設榷場六也國主復與把蓋云我從來不會脫空今既將燕京許南朝便我自取也與南朝

○七月遣李董辭列曷魯等如宋

會編七月十八日差

烏持國書來許燕地其略云使人來議州城銀絹雖無國信良不妄言又將來舉兵貴朝不爲夾攻不能依得九月四日良嗣引入國門賜宴于顯靜寺館于同文館七日入見入日賜宴于童貫第十八日入辭二十日出

國門賜宴于顯靜寺王瓌充送伴使差馬政持國書及
事目隨去子擴隨父行又事目國書云所言五代以後
所陷燕薊等舊漢地卽薊涿易檀順營平及山後雲寰
朔應蔚媯儒新武皆是也國書內盡許舊與契丹五十
萬銀絹數本爲幽薊一帶便和西京地在內不知怎生
要許多銀絹又約期夾攻須大金兵馬到西京大宋兵
馬自燕京并應朔州入方是夾攻若大○十一月宋遣
金兵馬不到西京便是失約不能依得

馬政及其子擴來聘

會編政出國書事目示之國主不認所許西京之語且言平濠營三

州不係燕京所管政不知原來傳言之詳及平州原係
燕地但對以唯唯留月餘不決使往粘罕家議事畢復
遣使隨政等來

五年

辛丑宣和三年

正月復遣曷魯如宋

會編正月金人差曷魯大迪烏持書

來議夾攻二月十七日至登州先是女真往來皆主童
貫因貫討方臘未回登州守臣久留曷魯等不令入見
曷魯忿欲出館徒步至京師尋詔馬政王瓌引詣闕五
月十三日至京師差權那彥童師禮館之未幾傳旨邦

彥曰遼人已知金人海上往還難復前議諭曷魯歸邦
彥屢失其歡留三月餘復書付曷魯等不遣使八月二

十日發歸本國十一月自海上歸

○十二月辭列曷魯還自宋

六年

壬寅

宣和四年

○四月壬辰遣徒單吳甲高慶裔如宋

宋徽

紀三月丙子遼立燕王溥爲帝金人來約夾攻命童貫
爲河北河東宣撫使屯兵于邊以應之且招諭幽燕○
會編三月代州奏得金人邊牒准大金彰國軍牒近自
水泊擊散契丹放鴛行帳天祚脫身北走本國兵馬已
到山後平定州縣占守訖請伐州戒守邊人員不得輒
引逃去人民爲國生事四月十日童貫巡邊次雄州議
進兵五月金遣徒姑且烏歇高慶裔充通問使持書來
議軍事先是曷魯等歸不遣使疑我有謀又聞大兵屯
邊恐我徑取燕地人界守關故遣使來乘機措畫九月
三日入國門十一日引見上待烏歇等甚厚禮過契丹
數倍而慶裔渤海人尤桀黠知書雖外爲恭順而較求
故例無虛日如乞館都亭驛乞上殿奏事朝廷請俟他
日慶裔遂出契丹例一卷面證其非請載國書爲據不
得已皆從之十八日朝辭差趙良嗣爲國書使馬政及

子擴送件事目云所議漢地係五代以後所陷營平幽涿薊檀順蔚朔應雲新媯儒武寧等州內幽州今契丹所稱燕京其餘有契丹廢并及改正名號去處俟收復訖彼此盡定十月一日良嗣與烏歇等赴金軍前○馬擴茅齋自敘八月童貫軍退聞劉延慶議持重使金兵先入居庸收燕京後以歲幣贖之擴言使女真入關必招輕侮爲患甚大遂條上利害劄子奉旨去濟南府等侯良嗣因取登州海路至青州承御筆據代州探報金兵已到奉聖州仰使人取代州路過界前去二十六日良嗣到金軍前○奉使錄二十一日過界全國遣使迎勞宿于應州二十二日見元帥粘罕云今來該事與自家在上京時說的話煞別也遣副帥兀室接伴往奉聖州二十六日見國主奉書傳達如儀○十一月丙辰朔宋遣趙良嗣來許

與燕京涿易檀順薊六州二十四縣議納每歲銀絹遺

李靖等如宋

遼地志南京析津府十一縣析津宛平昌平良鄉潞安次永清武清香河玉河鄆陰

涿州四縣范陽固安新城歸化易州三縣易涑水容城檀州二縣密雲行唐順州一縣懷柔薊州三縣漁陽三

河王田○奉使錄是日國主令與蒲結奴議事蒲結奴
言去年本朝專使理會公事屯著人馬專候回使相約
打滅契丹卻留我使人半年滯了軍期更不遣回使已
是斷絕之意此一段休說更說一段且如來攻本國兵
馬從正月已到中京三月到西京已受半年辛苦貴朝
才于五月出兵慢慢地占穩便說甚夾攻此一段也休
說皇帝有指揮去年不遣使乃是失信今年五月出兵
亦不如約便盡斷休說而今特將已收下西京一路州
縣與南朝請先交割外爲契丹昏主猶領殘兵不先取
了燕京不惟爲金國之患亦恐與南朝作過皇帝已定
親去取燕京了御來商量或與或不與決在臨時前遣
元帥就近代州議事便是此意已于王瓌處子細道來
更不可改良嗣度其意欲以西京交割爲名更改許燕
之議對以說話翻變是甚道理且燕京西京交割自有
次第次日蒲結奴復云初以南朝失信斷絕無疑緣南
朝皇帝御筆親書今更不論原約特與燕京六州二十
四縣漢地漢民其係官錢物及奚契丹渤海西京平涼
州並不在許與之數南朝自得亦借路平州以歸如我
兵取之亦如前約更不論夾攻六州謂幽薊檀順涿易
也良嗣答原約山前後十七州今止燕京六州二十四

縣昨言西京平灤今復不及何也且御筆事目貴朝兵馬乘勝追襲更不煩過關今本朝果得燕地分兵戍守大國人馬其敢專輒蒲結兀室怨曰汝未下燕已拒我如此是不欲通和耳況汝兵近爲燕人擊散若旬日未下豈不仰我力耶皇帝更不說原約只許燕京六州二十四縣每歲要依契丹銀絹之數爭辨久之損良嗣退次日朝辭國主云我已專遣人齎國書計議速回來早了大事○茅齋自敘入朝辭相溫云已差李靖充大使王永昌充副撤盧摠充計議官卻于二國使留一員隨軍恐貴朝軍馬入燕把定關隘本朝借路時要得分辨良嗣對以無例懇留使人擴應曰若必欲留願令大使歸報某請留二十一日金使李靖王度刺撤盧摠來議每歲銀絹○奉使錄二十五日入見靖等上殿上令黃駒傳旨言西京平灤州地土不多可就議定著赴玉蘂處計議尋詣蘂第出御前文字所有西京平灤自合依約撤摠與靖相看曰卻和西京平灤都要來時只聽得許燕京六州二十四縣今卻怎生了得蘂曰自來商議本爲五代後所陷漢地撤摠曰若和燕京西京平灤州都要方許契丹舊日銀絹空費往來和合不得蘂曰今來議事須要說盡只以燕京平灤營三州盡許契丹銀

絹舊數此亦相就之意如燕京係官錢財漢人戶口西
京畫斷一一相就貴朝只有平灤一事自可相從度利
日年來所得契丹舊城好處惟是一箇燕京已許貴朝
平灤等州本國要作關口靖日據靖所見先將燕京六
州二十四縣爲定歲交契丹銀絹數其平灤別作一項
再覓去或肯亦不可知瀟日此已委曲相就若更分平
灤豈有是理各上馬歸○會編十二月二日靖等朝辭
三日差趙良嗣用武仲使金國書云所有營平灤西京
州縣並係五代所陷地土今依原約務當曲允歲交○
銀絹並依契丹舊例六日金兵入燕遣馬擴歸報捷○

十二月庚子宋復遣趙良嗣來許依銀絹再求營平灤

三州并西京地不許并要燕地賦稅復遣李靖如宋

奉使

錄到國主卓帳處兀室傳言云寡人領兵到燕京城下
不見一人一騎若堅要平灤等州和燕京都怕別了再
與粘罕議事粘罕言此事近上大人們都不肯若更著
緊和燕京都別了又言我家自著兵馬取得所以須要
賦稅肯時便肯不肯卽休卽
不肯時請勾退過界人馬

七年

癸卯

宣和五年

會編

正月乙卯朔

金李靖等來議

燕地

賦稅四日入見詔詣王補第計議

賦稅一節何故靖

云本朝自用兵馬取得燕京獻于南朝所以要賦稅

云且如地稅自燕中計腳乘到貴國如何撥運莫須以

銀絹代之靖曰如此甚好卻省力不知待著多少銀絹

代賦稅得旨令良嗣前去議定五日靖等朝辭傳旨云

所有平灤營三州地土不多如朋友覓一物也須與他

卿等子細奏知靖稟去年歲幣傳旨去年歲幣極無名

待將金帛爲賀功犒軍之禮靖等再三奏上諭與去年

歲幣靖等踴躍爲期日已近乞免諸御筵上許之是日

良嗣武仲充使馬擴充計議再往金軍前國書云勉從

所諭今特許每歲加交銀絹以代燕地賦稅令良嗣前

去定議并契丹舊交銀絹並合自今計議畢日爲始所

有遣使賀禮正旦生辰發遣月日受禮去處

其銀絹交割處所分立界至等事續議畫定

○正月己卯宋使趙良嗣來議銀絹代燕地賦稅并議課程令以

貨物充折

奉使錄開陳賦稅事卽非原約特主上聖斷

特許別交銀絹專遣某來定議兀室云此不

斷

斷

難據燕地所出稅賦并課程計數兌換自然不錯某對
國書止言稅賦今併課程言之豈有此理兀室出文字
二件一言稅賦二百年舊額每歲絡錢四十萬後來新
額四百餘萬一件通計課程六百萬貫以多少銀絹代
之對以承平荒歉豈可以一爲定兀室云貴朝國書內
既言別交銀絹必有定數良嗣因出御筆十萬許之荅
云十分來有一分燕稅六百萬貫且如舊與契丹五百
萬貫尙有五百萬貫奉旨留四百萬貫養贍軍民只收
一百萬貫又以御筆二十萬許之荅云尙不及前項之
半更要西京如何了得遂除下西京復以御筆二萬絃
數許之又云今止要一百萬貫已是恩義猶待折些銀
絹作兩三番添去不若都休請使副回云只依契丹舊
供勾退涿易州兵馬又出燕京地圖云居庸金坡兩關
貴朝占據古北松亭奚家族帳自本國爲主西京一節
候大事了可商量人辭國主因言古北松亭自合本朝
占據今將古北與貴朝松亭不可說著使回亟決疾回
我欲二月十日巡邊良嗣請自留雄州以書驛聞爲使
許之二十七日良嗣至雄州以回書奏聞二月六日御
前遞到國書及御筆處分代稅錢一百萬貫并銀絹等
今再求西京國書云今歲代稅全要諸色別有禮目如

依卽就起搬年前并今歲合交銀絹定于今年十月交
割准舊例分破五番搬送平州路界交付其疆封可自
燕京與平州界至畫立賀正信使請先一日到闕生辰
人使以十月三日受禮外賀貴朝生辰並依契丹發定
月日到闕仍于穩
便處起置榷場 ○二月癸巳宋復遣趙良嗣來定議

加歲幣代燕稅并議畫疆遣使賀正旦生辰及置榷場

復議西京等事

奉使錄良嗣入見傳言云百寮軍人都
不肯許西京惟皇帝要與貴朝特與西

京地土民戶只是金人厥殺奪得西京不易請特與賞
設數日又云誓書須便了此係萬年永遠須說得重則
好事目云今來良嗣等計議西京特許與西京武應朔
蔚奉聖歸化儒媯等州并地土民戶其以西并北一帶
接連山後州縣不在許與之限又粘罕瓦室指示地圖
云自甯邊州以西橫斜至西京之北德州之南及天德
雲內州云此地分待與河商家又言天德雲內德州及
龍門望雲縣要作夏國往來道路又言將來龍平州柅
亭關及望雲縣及歸化
州要作榷場良嗣遂行 ○癸卯遣銀朮可鐸刺使宋許

與西京武應朔蔚奉聖歸化儒媯等州持國書并誓草

往及議西京賞設

弔伐錄答書云今立草付國信使副到請依草著誓至日當議復盟又劄

子云今特許與西京武應朔蔚奉聖歸化儒媯等州并地土民戶其迤北一帶挨連山後州縣不在許與之限據所許民戶土地甚多自來攻伐安撫將帥士卒艱苦不少今來別無再索○會編三月甲寅朔金銀術可至館五日入見○奉使錄詣王勳第議事使言通好後不知或爲弟兄叔姪知友論以敵國往來用知友之禮又乞西京賞設上

○戊申詔平州官與宋使一同分割所

與燕京六州之地○三月辛未宋使盧益趙良嗣馬擴

以誓草來

奉使錄至涿州紹瓦郎君高慶裔來傳擴改誓草隨奏改定至燕差李靖劉嗣卿充館伴

至寨門入見畢楊璞傳枯罕指揮云近有燕京職官趙溫信李處能王碩儒韓助越境來南張軫帶銀牌走過南界先以見還兀室傳旨云若戶口不盡發來請勾回涿易人馬朕將巡邊便令使副朝辭良嗣云未定之事

有五一答誓書二交燕日分三符家口立界四山西進軍日時五西京西北軍州未定兼銀絹二十萬在涿州未交安得便辭楊璞來云三相公再奏已著下撤母楊元濤同龍圖去良嗣遂行○弔伐錄宋主誓書云維宣和五年歲次癸卯三月甲寅朔四日丁巳大宋皇帝誓書于大金大聖皇帝闕下天之所助者順人之所助者信履信思乎順則印天祐之吉無不利昨以大金大聖皇帝創興併有遼國遣使計議五代以後附入契丹燕地幸感好意特與燕京涿易檀順薊并屬縣所管民戶緣遼口口口以自來與契丹銀二十萬兩絹三十萬匹并燕京每年所出稅利五六分中只算一分計錢一百萬貫今值物色常年搬送南京界首交割色數已載前後往復議定國書每年并交絲罽二千栲栳兩界側近人戶不得交侵盜賊逃人彼此無令停止亦不得密切間諜誘擾邊人若盜賊捉敗各依本朝法令科罪訖賊罰雖盜賊不獲蹤跡到處便勒留債若有暴盜或因別故合舉兵衆須得關報沿邊官司兩國疆界各令防守兩朝界內地各如舊不得遮堵道路至如將來殊方異域人使往來無致禁阻所貴久通懽好庶保萬世苟違此約天地鑒察神明速殃子孫不紹祖稷傾危專具披

達不宣謹白又回宋書云今差去軍官節次議取被掠
逃去人戶雖令宣撫交付卻只推延不得早發至今未
結實恐引惹素亂有失將來歎好若再敢如此合仰所
司疾速發遣又契丹主在陰山回离保在奚部只据分
捕兩路重兵合銷米二十萬石宜早處分取月日于檀
州歸化州兩處搬送○大金國志盧益奉使時國主賜
益等花宴如契丹之儀 ○四月乙酉遣撤盧拇楊天壽同趙良嗣

往索戶口宋以趙温信還

會編七日庚寅金得趙温信
遂交賞軍銀絹并定交割燕

山日遣使借糧十萬石并誓書來兀室遣人將到秤一
連云舊例交割銀五十兩五分者皆不受直到五十一
兩方受今來此秤係五十一兩卻只五十一兩莫若別作
一五十分秤將五分作錢耗將五分作潤官如何
對以朝廷賞軍非茲賜比且莫依平交割又借糧十萬
石搬送至檀州歸化兩處早些教來因問交割燕京日
分御云十一日先令交割的官員過來其軍兵只
于盧滿河南下寨等待幾日得我指揮發過河來 ○壬

辰遣楊璞復誓書于宋

弔代錄回宋誓書云惟信與義
取天下之器也以通神明之德

以除天地之害昨以契丹國主失道生民塗炭肆用興
師事在除暴貴國遣使航海計議若將來併有遼國願
還幽燕故地當時曾有依允通者親領兵馬已至全燕
一方城池不攻自下尙念始欲敦好特以燕京漢易檀
順薊并屬縣所管民戶與之如約今承來書緣以遼國
尚爲大金所有以自來交與契丹銀二十萬兩絹三十
萬匹并燕京所出稅利五六分中只算一分錢一百萬
貫文合值物色常年搬送南京界首交割色數已載前
後往復議定國書每年并交綠繫二千栲栳兩界側近
人戶不得交侵盜賊逃人無令彼此停止亦不得密切
間諜誘擾邊人若盜賊并賊捉取各依本朝法令科罪
訖贖罰難不獲蹤跡到處使勒留偵若有暴盜或因別
故合舉兵衆須得關報沿邊官司兩國疆界各令防守
兩朝界內地各如舊不得遮堵道路至如將來殊方異
域使人往來無得禁阻所貴久通歡好庶保萬世本朝
志在協和萬邦大示誠信故與燕地兼同誓約苟或違
之天地監察神明速殃子孫不紹社稷傾危如有變渝
一淮示約不以所與爲定○茅齋自敘十一日朝辭報
許十四日交割燕山是日丁酉宣撫司差統制官姚平
仲康隨交割地界金人索常勝軍郭藥師等八千餘戶

宣撫請代以燕人金人從之宣撫又差李嗣本提兵馬入燕十七日庚子童蔡入燕山府○會編十九日壬寅金遣使齎御押地圖來○弔伐錄宋來書所云糧食特于內地撥那米五萬石二萬石令河北宣撫于古北口外交割三萬石令河東宣撫于歸化州或應州以北交割並於七月一日節次輦致前去計會貴國軍下官員取○五月甲寅南京留守張覺叛人于宋會編五月二日甲寅平州節度使張覺陰叛金人殺燕京宰相左企弓等六月五日丙戌張覺詣宣撫司納土八月二十一日壬寅金欲交我武朔蔚三州而國主告殂不及付三州而去

太宗天會元年

癸卯宣和五年

○十一月癸亥割武朔二州與

宋○庚午宗望敗張覺于南京覺奔宋入于燕京○十

二月甲午遣李董李靖告哀于宋

謝維新合璧事類後集真宗上仙遣薛貽

廓使遼于是有告哀之名遣薛田使遼于是有遺留禮物之名遣任中行使遼于是有告登寶位之名遣劉諧

趙賀使遼于是有皇太后皇帝回謝禮物之名

二年

甲辰

宣和六年

會編正月六日乙卯金訃書至遣國信大使奚人富謨古副使漢人李簡來

○正月丙子貽宋書索俘虜叛

日丙子與宋書云西

南西北兩路奚王府路南路各都統等節次申乞勸會所據隨處州縣因官寄客居契丹人戶并逃亡招過及物件邀同劫掠偷遞職官百姓工匠驅使婦女孳畜財物等如敦誓約請依在邊帥臣所牒交付仍指揮逐處禁止乞回示○宋徽紀正月戊寅遣連南夫弔祭金國三月己酉朔金人來勾糧不與 ○四月乙

亥宋始遣太常少卿連南夫等來弔祭

直齋書錄解題宣和奉使錄一

卷太常少卿安陸連南夫鵬舉弔祭阿骨打奉使所紀時宣和六年○酒賢河朔訪古記趙州城南大石橋曰

安濟華表柱上宋臣使金者刻題甚多不能盡讀有刻日連鵬舉使大金至絕城實居首選宣和六年八月壬

子題○洪皓松漠紀聞金人待中朝使副日給糴酒二十量糴羊子八斤果子錢五百雜使錢五百白麪三斤

油半斤醋二升鹽半斤粉一斤細白米三升麪醬半斤
大柴三束白米二升三節常供酒五量罐羊肉二斤麪

一斤雜使錢一百斤
白米一升半 ○以高术僕古等充遺留國信使高興

輔劉興嗣等充告卽位國信使如宋
會編四月口日韓
離不遣使來借糧

不與五月二十七日癸卯金使辰州管內都亭董富謨
古副清州防禦李簡來告嗣位差黃潛善王宗漢充館

伴 ○八月乙巳朔以李堇烏瓜乃李用弓爲賀宋生日

使宋徽紀十月十日爲天甯節 ○會編我軍移燕山朔
州節度韓正應州節度蘇京蔚州土豪陳翊等爭叛

金人納土歸宋八月粘罕斡离不遂去蘇京孫團練取
蔚州殺陳翊又陷飛狐靈邱兩縣絕交割之意又牒責

我招納叛人張覺拘收戶口職官及不付所許糧二十
萬石 ○蔡條北征紀實武應蔚諸州者直我河東路與

代州對境金人實不與我及譚積出師至太原經營山
後是時金主死粘罕暫歸未暇撫治故三州守臣皆通

我遣河東將李嗣本以兵戍焉是冬粘罕歸諸將率反
以歸金金兵至嗣本大敗脫走 ○會編九月十九日王

辰秘書郎賀允中充賀金正旦國信使二十七日庚子
禮部員外郎王昂充接伴○宋徽紀九月庚子金遣富
謨弼等以遺
留物來獻 ○十月戊午宋使賀天清節宋史衛膚敏
傳宣和六年

假給事中賀金生辰荅曰金人不聞人賀反先已失國
體至燕金賀使果不至置節而反○會編十一月口日
童貫遣保州廉訪馬擴口州觀察辛興宗見粘罕議交
割雲中事三十日癸卯擴至雲中不見兀室而同十二
月擴自雲
中還太原 ○十二月戊申李革高居慶大理卿邱忠為

賀宋正旦使

會編十七日庚申盧益館伴
金賀正旦使令先次上殿

三年乙巳

宣和七年

○正月癸酉朔宋使賀允中賀正旦

弔伐
錄事

目劄子云正旦使賀允中于御前奏對達傳語二字深
涉輕易○會編正月二十日壬辰差奉議郎司封員外
郎許亢宗充賀大金登寶位使武義大夫廣南西路廉
訪使童緒副之管押禮物官鍾邦直○許亢宗奉使行
程錄奉使事並同契丹條例用祖宗舊制隨行三節人
除副外許八十人都轄一監一隨行指使一譯語指使

一禮物祇應一引接祇應三書表二習馭直二職員二
小底二親屬二龍衛虞侯六宣撫什將一察視二節級
二翰林司二儀鸞司一太官局二馳務二槽頭一教駿
三後苑作匠一鞍轡庫子一虎翼兵士五宣武兵士三
十冗仗雜載車三雜載駝十粗細馬十二禮物御馬三
塗金銀鞍轡副之象牙玳瑁鞭各一塗金平級八角銀
酒斛二隻蓋杓金塗全平級八角酒瓶十隻蓋金塗全
大渾銀香獅三隻座全著色繡衣三襲果子十小合蜜
餞十盞子茶三斤○會編二十四日丙申金賀正且使
盧州觀察李莖高居慶副使守大理卿楊意入見三十
日壬寅粘罕以擒天祚遣人獻捷宣撫司 ○六月辛丑
請于歲幣中借銀絹二十萬賞軍從之

朔宋龍圖閣直學士許亢宗等賀卽位

奉使行程錄成
州謝表云祇造

鄰邦中使謂之曰使人輕我大金也表詞不當用邦字
論語云蠻貊之邦使長正色而言曰書不云乎協和萬
邦詩不云乎周雖舊邦皆邦字而中使止誦此一句以
相問表不可換須到闕下當與讀書人理會中使無多
言中使 ○庚申遣李用和等以滅遼告慶于宋
會編七月壬辰
無以荅

金人以獲天祚遣告慶使渤海李孝和王永福差馬擴
李子奇充接伴○弔伐錄報南宋獲契丹昏主書係真
面抄白降到云六月口日大金皇帝致書于大宋皇帝
闕下大寶之尊允歸公授守不以道怒集人神故先皇
帝舉問罪之師迨躬盡繼承之略尤賴仁鄰之睦生
獲昏主之身人心既以惟和天下得以治定爰馳使价
肅示披陳遜惟聞知諒同慶慰今差復州管内都守董
李用和知太常禮院駙馬都尉王永福充告慶國信使
副專奉書

陳謝不宣 ○七月甲申以耶律固等爲報謝宋國使

會編

八月十四日癸丑詔賀金正旦使副差宣武郎王觀校
書郎吳安國候入辭令上殿九月二十四日壬辰金報
謝使入國門詔宇文虛中高世則充館伴十月詔吏
部員外郎傅蔡充接伴金國賀正旦使蔣龜副之 ○

十月甲辰詔諸將伐宋

會編十月五日壬寅奏到中山
府探報女真國相與余睹副統

于本國將兵前來
蔚州大點軍兵

○壬子宋使賀天清節

宋史衛膚敏
傳七年復假

給事中以行爭押璽雙晚等事幾爲所留靖康初始還
○周輝清波雜誌宣和五年既從金人乞盟之請明年

遣秘書省校書郎衛府假給事中往賀金主生辰
事而旋常體外別贈使介各一玉錢金主即燕坐起離
席躬奉之左右傳觀皆驚愕太息錢之製如今之大者
其文皆蕃書不可識不知爲何禮重如此時金已萌寒
盟開兵端豈虞我或覘其國故外示厚禮俾回測與錢
今藏衛氏○宋徽紀十一月乙亥遣使回慶金國○會
編十一月十九日丙戌宣撫差馬擴辛興宋持書移粘
罕議交蔚應二州及探南侵意二十一日戊子幹離不
自平州起兵至清州界執接伴賀正使傅察使拜死之
二十八日乙未執奉使賀允中鎮之副使武漢英髡而
降之十二月一日戊戌馬擴回太原三日庚子粘罕使
王介儒撒虛拇充使副來宣撫司差宗彥通馬擴充館
伴撒拇言元帥國相軍馬自河東路入二太子軍馬自
燕京路入只是傳檄撫定○弔伐錄十一月三十日丁
酉元帥府與宣撫童貫書又牒宋問罪云近差甯昌軍
節度蕭慶等專往理會所索戶口事准回牒稱本朝幅
員萬里人居散漫若再行根究難指有無又據馬擴辛
興宗所說亦同棄德負義橫暴顯然今議聊整問罪之
師且報納土之役仍依回誓收復原賜京鎮州縣于二
十九日起發前進今差昭文館學士王介儒亭堇撒虛

梅等前去牒到請照驗先行歸還朔武等州縣一切職
命無違公文回示仍請貴司就近親見商議結約如或
難依卽請先期某地以決勝負又下檄書云帥府伐遼
之日官軍所至有逆拒者或至傷殘或舉城邑部伍效
順歸款者厚加恩撫不次錄用居民則省徭役輕刑罰
各安其業諒已知悉今議指揮下宋國官寮僧道耆老
軍人百姓等指揮到日就便遞相曉諭善爲去就各以
所部軍州縣鎮邨野邑社部伍寺觀蘭若山場迎軍納
款必加恩賞所有軍人百姓僧尼道士女冠等一切如
舊惇獨寡寡以身歸誠厚爲存恤所據關市之征山澤
之禁須爲急務內有不便于民無名之歛仰所在官司
狀申削去已上處分條件出自至誠不昧神理已指揮
南京路都統施行逐處准此○北征紀實時金人欲犯
我遣小使來謂張孝純曰欲見童大王卽馳報上童貫
遂亟行宣和七年冬也既見貫則曰中國背盟本朝弔
民罰罪國相二太子不可當也皇帝煞時怒鄧君們念
兩國生靈煞時顧不得故來約大王須是告他使
得貫失措不敢詰倉皇發小使詣闕下貫亦遁○十

二月宋遣給事中李鄴等奉金百錠請復修好

北征紀實貫歸

後金有兩小使來大臣不敢引見天子遂創小使之禮大臣自見于尚書省廳事語大不遜厚禮遣行李鄴上書請奉使議和勾金三萬兩上出內帑金

襲二各重五千兩命銘爲牌子授鄴令去

○甲辰宗望

敗宋兵于白河遂取燕山州縣

會編十一月戊申韓里不道蕭三寶奴王簡張

彥恭來二十二日己未除宇文虛中爲保和殿大學士充河北河東宣諭使依宰執例施行二十三日上下內禱

太子卽帝位

四年

丙午

宋欽宗靖康元年

○正月己巳宗望諸軍渡河庚午

使孛堇吳孝民入汴問宋取首謀平山者

弔伐錄事目劄子云肇我

大聖皇帝起義弔伐凶遼燕薊一方最爲強大天兵一日忽至城下不血一刀舉土歸命爰有宋人航海遣使起初結好請復幽燕故地卽時割與惟少摘官吏強族工巧不滿萬數徙之東行良不得已乃常勝軍相易之故著在誓書盜賊逃人彼此毋令容納苟有違者社稷傾覆子孫不紹不踰月而棄德負惠手詔逆賊張覺陰

相結構殺我四執政大臣邀迫我官民以歸歲交金幣
固不逾期及正旦使賀允中于御前奏對達傳語二字
深涉輕易其于本國窮奢極侈上下相蒙恣行無道不
忍多言殘虐海內人怨神恫此天奪之鑒假手于我大
金前月二十九日師次邯鄲才有使人李鄴等將到三
省樞密院所奉聖旨文牒歸罪邊臣全非當理洎審求
的意方云聞大軍前至自省愆尤不敢有負天金前月
二十三日當已傳禪兩項歸過持有不同難為准信又
奈使人惘惘酸辭懇言本國君臣深自責恨前日之非
但念人誰無過過而能改善莫大焉兼所奉宜旨如趙
王深自悔過再乞權和仰就便酌中施行宜加恕道用
存大義若不能誠心悔罪重乞權盟可因縛首先謀取
平山童貫譚稹詹慶并逆賊張覺李石衛甫趙仁彥等
來詣軍前以謝天下自北界亂離以來及南京板屯諸
職官工匠教坊百姓續次發遣前來仍以黃河為界先
請皇弟鄆王與太少宰一員權且為質亦候交割了絕
審觀情狀別無猜忌即使遣還外歲輸金幣并賞軍物
然後計議施行如或不遵依從可預為捍備指日相見
御冀端

○癸酉諸軍圍汴宋使鄭望之等至軍前

錄正

月七日宋三省密院劄子據探報大金人馬漸次前來
侵近京城欲行禦逐緣大金已差使人見到國門講和
未委上件人馬前來有何因依者右差魏康劉錦前去
直至大金人馬見今盤泊去處取回文速申回札○會
編七日癸酉工部侍郎鄭望之充計議使高世則充副
使使于幹離不軍前○李綱靖康前錄時議遣使倉卒
無可使者乃以侯柝筠爲正使召至都堂遂巡問不知
所在偶鄭望之來遂執之以行○鄭望之城下奉使錄
正月七日望之約到都堂少宰張邦昌執手曰鄭郎中
可往卽奏令去白云不知何事邦昌云適奏到金人已
到城北朝廷遣使出勞軍卻恐有商量又乞見上得使
旨乃行邦昌云有甚旨且往軍前看他如何俄內官傳
旨借工部侍郎充使副高世則邦昌顧小史取公服假
鞍轡金帶坐上馬至軍前傳聲可遣人來打話有燕人
吳孝民來云皇子郎君如今來南只似買賣望之問買
賣之說如何孝民云要割大河爲界更要犒軍金帛望
之言既要金帛又要割地而彼無一物與我豈○甲戌
可謂之買賣只是強取孝民便入城至都亭驛

吳孝民與鄭望之入汴宋遣知樞密院事李稅及望之

再使軍前奉書謝罪且請修好

城下奉使錄孝民入見奏云皇子郎君截得救

書之意今來講和要一大臣過去尋同李悅再對上云若及割地卽許三五百萬不妨論及犒軍又命稅押賜金一萬兩及酒果與幹離不晚出萬勝門夜宿孳生監有蕭三寶奴耶律忠張彥恭三人來三寶奴云皇子言和議須要一親王爲質割地只要以黃河爲界又須犒軍逐人得兩錠銀一錠金方好去○會編是日幹離不移寨萬勝門移牒朝廷九日乙亥稅等見幹離不議事齎和議犒師割地事目回來是日二太子南向坐稅等北面再拜膝行而前良久遣王洵云京城破在頃刻欲存趙氏宗社須犒師物金五百萬兩銀五千兩絹絲各一千萬匹馬駝之屬各以萬計尊國主爲伯父燕雲之人在南者悉歸之割太原中山河間三鎮地又以親王宰相爲質乃退師出事目一紙付稅唯唯不能措一詞而還○城下奉使錄望之求書不得見又諭金銀牛馬如何應付得足辨論久之卽催上馬同三寶奴耶律忠王洵等來○會編朝廷荅移牒及事目云職官人口盡行發遣大金人馬押回議定更不以黃河爲界只將土地稅賦所出改添歲幣七百萬貫賞軍銀五百萬

兩絹五百萬匹
金五十萬兩

○丙子宗望許宋修好約質割三鎮地

增歲幣載書稱伯姪使高彥張彥恭蕭三寶奴同李稅

入汴

弔伐錄事目云自新結好以後國書往復並依伯姪禮施行黃河更不爲界可於太原中山河間府

一帶地分畫立疆至來示改添歲幣七百萬貫今減五百萬貫除自來合外交外擬止歲輸二百萬貫已上並入御筆鄆王權質候過黃河便議歸還太少宰科一員候撥定疆至亦便放還賞軍物書五監金五百萬兩銀五

千萬兩雜色表裏段一百萬匹馬牛騾一萬頭駝一千頭 ○戊寅宋以康王構少宰

張邦昌爲質

弔伐錄上宋主書云今月十二日差李鄴等賜到誓文皇弟康王并少宰一員至仰

體聖慈深增信喜卽日一見康王便知兄弟相次事過卽時遣還願勿憂疑○會編十四日庚辰康王少宰張邦昌使于大金軍前給事中李鄴爲計議使高世則副之齎和議誓書送伴三寶奴等同行○弔伐錄少主新立誓書正月口日姪大宋皇帝桓致書于伯大金皇帝闕下今來國書當依契丹舊例禮從伯姪施行已許放

黃河更不爲界其太原中山河間府一帶所轄州縣分
畫疆至別立地圖存比至立了疆界屯兵已前于內別
有變亂處所當朝自應擒制交送至于尺土一民不令
侵犯招納若與三府以南州軍犬牙出入不齊去處臨
時兩平兌易應自遼播越之時北界流離南向併係
大金叛臣諸職官工匠教坊百姓除原不會到併已死
凶外應見在並盡數遣還在京者令隨逐前去在外者
接續逐處發遣一無停匿殘害錯失除自來合交銀二
十萬兩絹三十萬匹外更歲二百萬貫中金銀匹帛并
雜物折納決無徇弱愆期斯言之信金石不渝有違此
盟神殛無赦又回奏書差節度寶利觀察高永義司農
少卿張愬恭又荅書云既復舊約欲成長久慮歲輸物
多難以走遠施行兼奉宣命若能悔責委酌中理會今
又特減放一百萬貫常行只許納一百萬貫折納并銀
二十萬兩絹三十萬匹仍爲今歲分撥疆至事忙仍候
次年正月依舊例交納所有誓書乞早賜差遣國信使
副就赴關下當司亦准備具此申奏今差都管契川
兵馬耶律度福州觀察王洸充計議使副伏乞照驗○

辛巳宋使沈晦王仲通齋所上誓書三鎮地圖至軍中

弔伐錄差試給事中沈晦康州防禦王仲通充國信使
副又乞約束書今遣信使齋詣大金皇帝闕下煩爲差
人同往歲輸特承減百萬貫深荷恩意已于國書具載
若非悖示大信欲保萬年何以及此又聞大兵已到太
原攻圍未下和好之後義同一家願速約攔人馬以全
一城生命又送河東軍前書元帥在遠未知的實今遣
使人同皇子郎君所差親信尋詣軍前詔白惟冀早爲
撤回軍馬免致殘害生靈諒惟英懷必能洞照差右文
殿修撰宋彥道成州刺史郝 ○癸未諸軍解圍 弔伐錄
拊充河東軍前報和使副 上書云大軍已到太原恐河
西兵馬乘隙深入頗速攔
約恭奉勅旨非敢怠慢當司已准備發遣先來計議王
介儒撤盧母及親信人與御前差到宋彥道等同去融
會河西軍兵就便指約處所安置定圍城兵馬今並勾
抽還營應在城側近者十八日亦令退去于後輜重已
差約頓更不許過河信德真定等路駐下兵嚴行鈐束
不得虜掠燕京知院侍中統押漢軍續次待來近已差
人指約去訖又宋少帝差路允迪勅太原守臣詔又回
謝書云承降到御寶文字每遇生辰聖節及正旦遣使
專附問訊之儀今既事同一家仍慮百姓有妨農務所

索牛一萬頭乞行罷去○城下奉使錄二十二日戊子
 召對上殿上云國家無許多金銀御有珠玉可與商量
 准折便出門到寨遇王兩郎述上語兩云郎君亦極愛
 侍郎可辦下別日將來○會編二十四日庚寅全遣韶
 陽節度耶律忠乾文閣待制太平甫充計議使副奉書
 奏謝○弔伐錄書云近知李棣等至懇以金銀闕數欲
 將寶貨充折理當循從奈士卒失望甚難于心復蒙諭
 云謂髮膚可捐言極感切且緣大議已定豈因細故不
 終恩意乃于金內特減一百萬錠准五十萬兩兼爲根
 取糧草不無後耗亦合酌減銀一十萬錠准五萬兩表
 裏十萬段匹上件所減物色並係合節次交送四停之
 數仍于見交六停金一色內更許准減一百萬錠外者
 乞依所指五日內齎送所在驛馬應在京刷取肥壯者
 交送如或決難如數當依駝畜例抵折起運前來至眞
 定府州軍應有係官金帛取索充填更或難應准奉御
 寶文字續次交送二十八日甲午遣李棣持寶貨折充
 金銀書云累日下令于民間根刷金銀再得金二十餘
 萬兩銀二百餘萬兩通前已報之數金共五十一萬餘
 兩銀共一千四百三十萬二千餘兩雖未足六停之數
 實已竭公私之藏至表段皆新好之物可及四十餘萬

馬驟駝數不惟甚少類皆病瘦不堪併冀寬期許以准折令有府庫累世所藏珠玉犀象寶器等併金銀絲合等物並令李稅持去倘蒙容留准折一聽裁決○城下奉使錄二十九日召對上言珠玉煞不少盡在宣和殿皆用籠匣盛放可與稅同押前去二月一日出城太師耶律出來相見逐旋擡過珠玉來耶律云耶君教逐件估價望之高估植錢百萬緡耶○二月丁酉朔夜宋姚律回笑云皇子已許明日相見

平仲以兵襲宗望軍已亥復進軍圍汴

會編二月二日戊戌幹離不奉

書問劫寨○弔伐錄上宋主書云今月一日夜四更時有步騎軍兵沿孟陽河東西南三處北向奪橋詰朝又向大軍營西南劫陣前來當司量差兵馬隨路禦逐會未逾時殺傷士卒所獲器甲鞍馬其數甚多緣當司不識是甚兵馬又從何來願示其詳差檀州刺史張恭禮充計議使奉書○會編遣資政殿大學士宇文虛中持報書使軍前又遣李稅等為割地使李稅持國書并奉地圖沈晦奉誓書路允迪割太原秦檜割河間程瑀割

山○庚子宋以駙馬都尉曹寔為質辛丑宋遣資政殿

學士宇文虛中以書來辯姚平仲兵非出宋主意

弔伐錄宋

回書云初二日早方欲生朝忽報初一日夜有兵馬在城外作鬧輒至大金軍前遣人根問乃知姚平仲作過今見令人擒捕俟到卽正典刑以戒貪功誤國之士今差宇文虛中持書布敘并齋所稱國書及三府詔書地圖前去又幹離不上宋書云去人王洸回伏審皇帝召以面諭言輒流涕謂以執政姦臣姚平仲等妄生作事貪功誤國此輩可日下執送軍前以塞眾怨更以皇叔越王駙馬曹都尉同質軍前並於太宰李邦彥樞密吳敏二人內科發遣一員安撫少宰張邦昌亦候割定疆界發遣今差福州觀察王洸安州團練耶律甯充計議使副宋回書云蒙遣使王洸耶律甯同宇文虛中至所論曹都尉今謹遣行輔臣已罷免甚衆惟越王以叔父之尊平日每所奉侍以姪遣叔情理不違已遣弟肅王樞前去所有康王望賜先次遣回姚平仲逆天誤國已聞死于鋒鏑所論驛馬金帛事已納金五十一萬七千三百兩銀一千四百三十萬二千六百兩絹一千萬匹表四十七萬匹盡數于斯無可再得驟已納六百頭馬五百四十七匹餘皆尪瘁疲瘦今遣簽樞密宇文虛中

知閣門事王傑
充報計議使副 ○癸卯改肅王樞爲質遣康王構歸

會編

七日癸卯粘罕駐軍于中路聞和議之詔遂止不行八
日甲辰上賜宴于幹離不軍中幹離不上書辭別○弔
伐錄二月八日兵回差使副代辭書云承諭越王叔父
難以姪遣姚平仲死于鋒鏑李綱止從貶謫須是即日
班師特于原定賞軍物內減金一萬錠銀一十萬錠表
十萬段以充振乏廣施之用外有歇下金帛頭匹望于
逐月接續送來今方言旋非不欲詣闕展辭以在軍中
不克如願謹遣權宣徽韓鼎裔桂州觀察耶律克恭充
代辭使副宋回謝書云崇義軍節度高安仁隴州防禦
耶律忠來承惠書翰康王留軍前幾月極荷管顧今蒙
還歸甚慰願望更承減金萬錠茲爲厚恩姑此敘謝又
乞寬限送納書云昨者李稅續起發金二十萬兩實止
十九萬四千四百兩欠少五千六百兩續起發銀二百
萬兩爲金有欠數卻起過銀二百八十四萬二千六百
餘兩係大起過八十四萬餘兩至于都數之中更蒙減
免外通計所欠甚多又有騾馬名件不一茲審大軍將
還理當送納敢望矜憐許令于軍行之後逐漸送納又
回謝錢禮書云今月十日已令大軍旋旆所慶陛下社

稷載甯生靈休息今差靖江節度高僧奴隴州防禦大
迎充賀謝使○會編十日丙午差簽院路允迪工部侍
郎滕茂實使于粘罕河東軍前交割三關地○弔伐錄
宋與高平左副元帥書云今遣分地界官路允迪往軍
前親解玉帶一條真珠雙圈繫勒帛一副遠將信意并
會皇弟康王亦親解玉帶玉魚一副同致謝緘○會編
金人退師十一日丁未質肅王樞同行十五日辛亥○
發遺應歸朝人還金國澤州奏金粘罕兵次高平縣○
壬子宗望渡河以滑濬二州與宋會編十六日命種師
防粘罕兵○宋欽紀二月辛酉命給事中王雲侍衛親
軍曹贖使金國○弔伐錄宋遣使乞免割三鎮增歲幣
書云致書皇子郎君太原中山高陽三鎮雖限大河大
遠京邑其間有遠祖陵城太宗祠宮在于子孫忍不保
守今欲更增廣輸銀絹以代三鎮租賦兼前犒軍金銀
表段騾馬等除已交納餘數尚多若歲輸雜物又復補
發犒軍餘數力有不逮已令使人面達若許折爲縑帛
卻令沿邊依舊設置榷場許通商販庶得兩便今差工
部尚書王雲定國軍承宣使曹贖爲計議使副又乞放
肅王樞書○會編二十六日王戌粘罕過澤州逢奉使

路允迪言已割三鎮乃還太原築城外舊城居之號元帥府○弔伐錄三月口日粘罕回宋書差利州觀察蕭仲恭太僕少卿趙倫充回謝使副又與宋三省密院牒云當府自太原前來至隆德府不伏招諭縱兵攻下牒到請照驗勿以隆德威勝軍并屬縣鎮不係割數一似夜犯河北軍營多方謀害難保惟盟外據路惟密專來交割太原府界至候軍回到彼從長商議又十七日與宋主書云計會路允迪宋彥道滕茂寔交割太原是日師次南關有使臣談口何偉來軍前稱太原府今來所降詔書與先奉指揮不同不伏交割難便退師又移宋省院牒云今三月二十八日游騎來報巡到團柏鎮南不覺撞出南軍環帶衣甲衝突先放弓箭不克迎戰追敗捉將軍一名問稱隆德府官員已經拏下前到南關駐劄者凡此引惹生事牒到照驗早具回示○宋欽紀四月壬子金使賈震冉金弓來○弔伐錄六月九日宋致書國相元帥云皇子郎君通好退師固嘗申論三鎮不得邀遏回兵而鎮民依先固拒堅守不下本朝雖欲割送不能使之必從是以遣使請以三鎮稅租納充歲幣其燕雲舊地則不敢愛用使南北之民永享長久之利深惟統帥或未悉知專使詳告本末又七月二十三

日左副元帥回書四閱
門宣贊張九回謹奉

○七月戊子宋以蠟書陰構右

都監耶律余睹蕭仲恭獻其書

弔伐錄黃絹間牒結構書云大宋皇帝致書于

左金吾衛上將軍元帥右都監耶律太師昔我烈祖章
聖皇帝與大遼結好于澶淵敦信修睦百有餘年邊境
宴然蒼生蒙福義同二家靡有兵革門爭之事通和之
久振古所無金人之道稱兵朔方拘縻天祚翦滅其國
在于中國誓和之舊義當興師以拯顛危而效臣童賈
違國擅命沮遏使信結構仇讎購以金繪分據燕土金
匱之約藏在廟祧委棄不遵人神恫怨致金人強暴敢
肆陸梁傲擾邊境達于都畿職此之故道君太上皇帝
深悼前非因成內禪肆朕初卽大位惟懷永圖念烈祖
之遺德思大遼之舊好輟食興歎無時暫忘凡前日大
臣之誤國構禍者皆已竄誅思欲興亡繼絕親仁善鄰
以爲兩國無窮之福此志既定未有能達者而使人蕭
仲恭趙倫之來能道遼國與燕雲之遺民不忘耶律氏
之德冀假中國詔令權立者老衆望所屬宜乎國人無
如金吾都監太師者適諧至意良用忻懌嘗聞金吾都
監太師前爲遼國將兵數有大功謀立晉王實爲大遼

宗社之計不幸事不克就避禍去國向使前日之謀行
晉王有國則天祚安享榮養耶律氏不亾然則于天祚
不害其爲忠而于耶律氏之計則愈患矣宗室之英天
人所相是宜繼有遼國克紹前修以慰遺民之思方今
總兵于外且有西南招討太師同姓之助雲中留守尙
書援忠之任一德同心足以其成大事以中國之勢竭
力擁衛何有不成謀事貴斷時不可失惟太師圖之書
不盡言已令蕭仲恭趙倫而道委曲天時蒸滄更冀保
終白靖康元年四月口日○會編
七月口日枯罕起雲中兵之太原○八月庚子詔左副

元帥宗翰右副元帥宗望復伐宋○丁未遣楊天吉王

洎以書責宋

弔伐錄八月十四日兩元帥差官問罪書云
迺者差蕭仲恭趙倫等齎書報復回日

輒受問諜之語陰傳結構之文敢踰前非又在今日爲
此申過朝廷奉到宣命據茲數惡更踰上皇仰便差官
問罪從長計度施行今差保靜節度楊天吉昭德節度
王濟充問罪使副前去若深悔前非請速令皇叔越王
皇弟鄆王太少宰一員齎書同詣行府陳謝過咎仍據
原割三鎮卽行戒諭並命開門以待撫定○宋欽紀八

月乙卯遣徽猷待制王雲閣門宣贊馬識遠使金國著作劉岑太常博士李若水分使軍前議和○會編八月二十四日丁巳李若水以吏部侍郎充○九月丙寅宗山西軍前和議使相州觀察王履副之

翰下太原

會編九月三日丙寅粘罕兵下太原張孝純被執十五日戊寅若水見粘罕于榆次縣○

李若水山西軍前和議錄見金館伴使太師蕭慶副使尚書劉思引見啓曰國相前以姦臣誤國恐有施行今日分差兩使前來以道至誠悔悟之意願國相以生靈爲念盟好爲心早與通和天下幸甚皇帝欲以三鎮逐年租賦奉貴朝休兵請好留五日國相云若不割得土地人民決不可和卽傳與國書云若差人來交割卽便回軍通和萬一不從須索提軍到汴京理會○會編九月十九日壬午金遣王芮等來索三關地注云太原既陷芮持幹離不書來以爲一鎮旣得兩鎮不可不割○上命將作少監丁及之爲陳謝請和使以禮遣芮還○

十月戊戌宗望下真定

宋欽紀戍子使馮澥副康王使幹離不軍康王未至金軍還○

平伐錄左副元帥以黃河爲界書云近依宣旨遣師問罪來書不服致領重兵兩路齊進今月十六日已到澤

州廿四日已過黃河半年以來屢變盟言若不以黃河
爲界終不能久今議兩路先行收撫未下州府請差近
上官員前來交割一面先具凡所聽命國書
回示今差楊天吉王內撤盧梅奉書陳達

○宗翰宗

望會于平定軍

張匯金節要粘罕自太原東至平定離不自真定西至平定議再入寇兀室

日今得太原真定爲兩河領袖可先取兩河徐圖東京
粘罕佛然起以手去貂帽擲地曰東京國之根本我不
得東京兩河雖得而莫守若得東京兩河不取自下前
不得東京以我不在彼故也又舒右手作取物狀曰我
今取東京如運臂取物同手得之矣粘罕不稱善入寇
之計決案平定會軍表脫載取節要補○會編粘罕
留銀術可守太原率兵下太行取孟州渡河入寇粘罕
不留韶合韓慶和守真定率兵取黎陽渡河入寇○宋
欽紀十一月乙亥命王雲副康王使幹離不軍許割三
鎮奉袞冕車輅尊其主爲皇叔且上尊號丙子遣資政
馮澥及李若水使粘罕軍○弔伐錄宋願割三鎮告和
書差路允迪并交地官滕茂實施行王履李若水馮澥
各有狀○宋欽紀壬午幹離不使楊天吉王內撤母來
命耿南仲使幹離不軍聶昌使粘罕軍許畫河爲界康

王至磁州州人止王還相州○弔伐錄宋同書云十一月二十二日致書國相元帥前承問罪不勝惶恐今蒙惠書省問過惡皆有事實今日之咎自知甚明准黃河爲界屬諸大金兩朝安便今遣同樞密聶昌齋詔令黃河東北路州府軍縣人民悉歸大金仍依來命不敢依違河東路差聶昌交割河北路差耿南仲交割宋主與兩路勅河東路崑崙州隰州保德軍憲州火山軍忻州遼州太原府汾州懷州甯化州平陽府石州平定州絳州威勝軍澤州隆德府代州河北路瀋州衛州相州磁州洺州邢州趙州眞定府中山府永甯軍深州祁州北平軍河間府莫州安肅軍順安軍廣信軍雄州保定軍信安軍保州肅州樞密院兩路指揮河北路復有禾靜軍冀州恩州青州河東路復○十一月丙戌宗望至汴有嵐州慈州河陽府河中府○十一月丙戌宗望至汴宋欽紀己丑幹

○閏月壬辰朔宗望敗宋兵于汴城下

○癸巳宗翰至汴

弔伐錄閏十一月三日二帥與宋主書云今勘會有數州在河內來書不

入交割所索官員家屬多有漏落今差保靜節度蕭慶司農少卿楊貞幹字堇撒盧母專往計議宋主乞免攻

城書又致國相元帥書○宋欽紀乙未金人入青城馮
淵與金蕭慶等來○弔伐錄十三日二帥與宋主書云
頃遣使人仰祈親會而使人來稱大聖皇帝有懷疑惑
所云躬親出城豈有他意前後所言一無誠信果若聽
命仍遣親信官司何桌等來不過此月十五日出城約
喻結絕以後別遣上皇越王皇子親弟爲質再差蕭慶
等專去計議○宋欽紀己酉遣馮淵曹輔與宗室仲溫
士詵赴金軍前請和○靖康紀聞十九日曹輔馮淵出
使塞中○宋欽紀辛亥金人來議和要親王出盟○弔
伐錄二十一日宋致書于國相元帥差皇伯士詵樞密
馮淵充報謝使副二十二日仍差皇叔祖漢東郡王仲
溫同樞密曹輔回書云今之所舉蓋緣渝約議定畫河
同去交割而彼人反謀捉拏此之無信甚于去春遂議
出質割城發送官員聽命遷都表信方許通和人使既
同一無依從以故仍議進擊煞念宗社不忍立墮聊陳
攻具俟貴朝必當悛改如或執迷安危之理灼然可見
○宋欽紀乙卯金復使劉
晏來趣親王宰相出盟
○丙辰宗翰宗望克汴城
宋
紀丙辰京城陷衛士執劉晏殺之○弔伐錄宋主差景
王杞充請命使謝克家李仔副之二十六日二帥與宋

主書要近上官員議事書云今再舉師問罪猶執奸謀不肯聽命遂致事勢及此尙慮都人驚駭昨日遣李若水同使人入城以示慰諭承遣到景王一行洞悉俊悟然聽命事大專俟更遣執政何棗并近上官堪議事者共同請命又同日宋主求哀致皇子元帥書遣濟王榘中書侍郎陳過庭懇告又同日求再造致國相元帥書遣右僕射何棗同濟王榘陳過庭請命二十七日又致二帥求哀請命書云比遣何棗等來書迫懇必蒙矜憫桌等同歸城內人情惶擾撫諭不定敢望存全少駐兵馬以安人心所約事目謹卽聽從再遣御史中丞秦檜朝奉郎李若水武翼大夫王履求哀請命同日元帥府與宋主要上皇出質書云重兵才至屢望會盟惟索上皇以下爲質而已亦不依從以致兵怒攻擊一無他詞但云收兵其理安在早冀上皇與皇子出質別差近上官員交割已畫府州軍縣更遣逐府州長官血屬出質俾知納土之諭二十八日宋主乞上皇不出書云趙桓謹致書于國相皇子兩元帥何棗等還復領書示欲上皇及皇子出郊今城已破生死之命惟在貴朝又焉敢拒但父子之間心所不忍如何躬往軍前求哀請命如蒙曲賜矜念更望允從豈勝至幸二十九日宋主乞親

詣軍前書云趙桓謹致書國相元帥孫傳等歸傳來台
旨欲上皇出郊切以父子之間有難言者今欲親詣軍
前祈哀致請先遣秦檜馳報不知當于某日某處會見
如蒙賜諭卽當依從○庶人寶錄二十九日又遣皇叔
燕王侃越王偲皇弟鄆王楷景王杞濟王栩祁王模莘
王植徐王棣沂王禔和王栻信王榛凡十一人請命不
得見○辛酉宋帝出詣軍前舍青城靖康紀聞三十日平
門何桌陳過庭孫傳等從○會編十二月一日壬戌金
遣蕭慶來索降表○宋欽紀蕭慶入居尚書省○宣和
錄上在金寨與二帥未相見遣使索降表上命孫觀草
表但言請和稱藩而已粘罕未是要四六屬對於是覲
與吳开何桌共草成之略云三里之城遽失藩籬之固
七世之廟幾爲灰燼之餘旣煩汗馬之勞敢緩率羊之
請又云上皇負罪以播遷微臣捐軀而藥命又云社稷
不隕宇宙再安送示粘罕方中其意復抹去大宋皇帝
字止稱大金爲皇帝而不書國號又改負罪爲失德○
又指宇宙二字云大金亦宇宙也改爲寰海悉從之○

十二月癸亥宋主桓奉表降是日歸于汴城

弔伐錄宋主降表云

臣桓言伏以今月廿五日大兵登城出郊謝罪者長驅
萬里遠勤問罪之師全庇一宗仰戴隆寬之德感恩念
咎俯竭危衷臣桓誠惶誠恐頓首頓首猥以眇躬奉承
天統情不更事濟以學非昧于知人動成過舉重煩元
帥遠至陋邦三里之城已失藩籬之守九廟之祀當成
煨燼之餘不圖深仁曲假殘息茲蓋伏遇伯大金皇帝
乾坤之德甚溥日月之照無私不怒之威既追蹤于湯
武好生之德且優美于唐虞弗念一夫之辜持全萬人
之命宇宙載肅宗社獲安文軌旣同永託保存之意雲
天在望徒深嚮往之誠無任瞻天望聖激切屏營之至
謹奉表稱謝以聞臣桓誠惶誠懼頓首頓首謹言天會
四年十二月二日大宋皇帝臣趙桓上表又改定降表
云臣桓言背恩致討遠煩汗馬之勞請命求哀敢廢率
羊之禮仰祈蠲貸俯切凌競臣桓誠惶誠恐頓首頓首
竊以契丹爲鄰爰構百年之好大金闢國更圖萬世之
權航使旌絕海嶠之遙求故地割燕雲之境太祖大聖
皇帝特垂大造許復舊疆未閱歲時已渝信誓方獲版
圖於析木遽連陰賊於平山構結大臣邀回戶口雖違
恩義尙貸罪愆但追索其人民猶夸大其土地致煩帥
府遠抵都畿上皇引咎以播遷微臣因時而受禪懼孤

城之失守割三府以請和屢致哀鳴亟蒙矜許官軍
退信誓又渝密諭土人而堅守不下分遣兵將以救
爲名復構結於使人見包藏之異意遂勞再伐並與
罪之師又議畫河實作疑兵之計果難逃于英察卒
取于交攻尙復嬰城豈非拒命怒極將士齊登三里
城禍延祖宗將薰七廟之祀已獨銜壁之舉更叨授
之恩自知獲罪之深敢有求生之理伏惟皇帝陛下
鷹峻命紹履鴻圖不殺之仁既追蹤于湯武好生之
終儷美于唐虞所望惠顧大聖皇帝肇造之恩庶以
全弊宋不絕之緒雖死猶幸受賜亦多道里且修莫
籲天之請精誠所格徒深就日之思謹于叔燕王侯
王偲弟鄆王楷景王杞祁王模莘王植徐王棣沂王
和王棫及宰相百僚舉國士民僧道耆壽軍人奉表出
郊望闕待罪以聞臣桓誠惶誠懼頓首頓首謹言天會
四年十二月二日大宋皇帝臣趙桓上表○會編二日
癸亥奉表于金人粘罕幹離不相見于齋宮講賓主之
禮就坐酒三行粘罕曰天必未厭趙氏中原非吾有但
以大河爲界仍許宋朝用大金正朔禮奉上以金銀十
六擔縑帛五十牀金玉帶各二爲贄又出內府踏金以
賜二帥粘罕笑云城旣破一人一物皆吾有皇帝來議

大事此物何用又云日已晚恐城中居民不安可早同
駕興○庶人寶錄烏陵思謀陪入城○會編三月甲子
金人遣使致書請喚康王回書云既往不念過無可追
事至于今良可驚悸康王見在河北可遣大臣一人同
使命喚回未審聖意如何四日乙丑金人遣使檢視府
庫拘收文籍五日丙寅金人移文開封府索良馬一萬
匹金使入入城自宿都省或朝堂不復宿都亭驛六
日丁卯金人移文索車器七日戊辰金人請以大河爲
界朝廷遣陳過庭折彥質割河北河東地又遣臣二十
員特詔行之○弔伐錄有宋主告諭兩路交割州府指
揮元帥府告諭兩路撫慰指揮○靖康紀聞九日庚午
金人索犒軍金帛又取兩河守臣親屬又取奸臣家屬
十三日甲戌金人索酒匠五十人酒三千瓶與之十五
日丙子津撤犒賞絹赴軍前金人需絹一千萬匹朝廷
盡撥內藏元豐左藏三庫所有如數應付○汴都記十
六日丁酉立春朝廷送土牛綵仗往二壁粘罕不受日
傳語趙王不用許多禮數○靖康紀聞二十三日甲申
金人索監書藏經如蘇黃文及資治通鑑諸書二十四
日乙酉金人持書入城索金帛書云今欲賞勞諸軍議
定合用金一百萬錠銀五百萬錠段子衣絹數不限早

望依數應付二十七日戊子金人
二十一人詣大相國寺燕香禮佛

五年

丁未

靖康二年高宗改建炎元年

○會編正月辛卯朔命

帥軍前賀正粘罕遣其子同使八人入內賀正○我伐

錄宋主賀行府元日書云大宋皇帝桓謹致書于大金

國相元帥一氣才通三陽交泰惟五兵之既戢與萬姓

以皆春茂對休辰具膺純嘏○會編二日壬辰金人二

十一人詣國子監燒香拜宜聖四日甲午金蕭慶就都

堂聽講月令洪範○靖康紀聞金使乞再詔諭兩路府

州交割地界是晚遣使持詔書之寨中八日戊戌何棗

自金軍回尙書省揭榜云何棗使大金軍前懇告乞減

金銀表段之數粘罕不從揭榜再括○宣和錄九日已

亥何棗勸上親出上自草勅曰孫傅謝克家輔太子監

國來日車駕出幸軍前○趙姓之遺史金遣使來請上

詣軍前云農務將興及上徽號事須面議乃降詔○甲

伐錄宋主許面議書云承示書辭金帛已令嚴切根括

接續供納所有上徽號禮數冠冕車輅圖籍印板之類

謹于來日○正月庚子宋帝復至青城會編十日庚子

躬往面議○正月庚子宋帝復至青城車駕再幸青城

軍前十二日壬寅金人索上元鏡○遺史十五日乙巳
金人于劉家寺放上元鏡請帝觀○宣和錄二月五日
乙丑二帥請皇帝打球酒罷上起謝曰某久留軍前欲
乞早歸粘罕日待那里去上失色幹離不送至行營曰
天命如此○二月丙寅降宋二帝爲庶人會編五日乙
無可奈何○遣吳開莫儔齋文字入城○弔伐鐵行府下宋文字云
元帥府近以宋主降表申奏今同降聖旨劄子先皇帝
有大造于宋而宋人悖德故去年有問罪之師乃因嗣
子遣使軍前哀鳴祈請遂許自新既而不改前跡變渝
執迷是致再討猶敢抗師泊兵官力擊京城摧破方申
待罪之禮況追尋載書有違斯約子孫不紹社稷傾危
父子淪盟其實如一今既伏罪宜從誓約宋之舊封頗
亦廣表旣爲我有理宜混一然念所舉止在弔伐本非
貪土宜別擇賢人立爲藩屏以主茲土其汴京人民許
隨主遷居者聽右所降聖旨在前今請到宋宰執文武
百官一面共請上皇并后妃以下兒女及諸親王公主
之屬出京乃勾集在京僧道耆壽軍人百姓遵依聖旨
共議薦舉堪爲人主者一人不限名位高卑所貴道德
隆茂有大勲業者平素爲衆所服閑于治民者雖乏衆

善有一于此亦合薦舉當依聖旨備禮冊命趙氏宗人
不與此議應宋之百司並事新君其國侯得姓名隨建
國號所都之地臨日共議又廢國取降詔曰勅趙桓省
所上降表汝與叔燕王俱越王偲已下宗族及宰臣百
僚舉國士民僧道耆壽軍人于十二月二日出郊望闕
稱臣待罪事具悉背義則天地不容其孰與助盟則
人神共怒非朕得私肇自先朝開國乃父求好我以誠
待彼以詐欺浮海之使甚勤請地之辭尤遜析木版圖
第求入手平山偽詔會不愜心罔天罰以自干忽載書
而固犯肆子纂紹猶至涵容迄悛惡以無聞方謀師而
致討猶聞汝承得位朕望改圖如何復循父佞之覆車
靡戒彼遼之禍鑿雖去歲爲盟於城下冀今日墮我于
書中賂河外之三城既而不與構軍前之二使本以問
爲惟假臣權不贖父罪自尊難道我伐再張將臣激怒
貳之心戰士增敵愾之勇息君犯五不韙之罪喪亦宜
乎晉師有三無報之心倍猶未也以是濟河航汴勢如
燎毛人競覆昏天莫悔過誰肯背城而借一果聞舉族
以出降既爲待罪之人自有易姓之事所有措置條件
並已宣諭元帥府施行故茲詔示想宜知悉○宣和錄
都人候駕未回人心大恐頃有榜傳皇太子令旨以皇

帝出郊多日未回太上來日往軍前懇告元帥乞駕早
還至晚金遣開儀持金人文字入城孫傳等數人讀之
號絕欲死至初六日拂旦金人來請上卽駕扈從官整
服而進才出門忽有微黃屋者衆方驚愕至外則已望
北方設一香案隨駕官于百步外排立上獨前下馬望
香案兩拜讀詔訖金人擁上乘馬而去每宰執一人監
以二金兵侍從一人監
○丁卯宋上皇至青城會編七
以太上皇及太上皇后諸王王妃公主駙馬都尉等出宮
幸青城寨○靖康紀聞初七日午後有內家車子數十
各攜被褥于車中詣南薰門星馳而去黃門老卒從行
皆有憂色○靖康要盟錄是日從行者太上皇后鄆王
王夫人朱氏三男六宗姬肅王王夫人任氏二男二宗
姬景王王夫人田氏濟王王夫人曹氏康王王夫人邢
氏莘王王夫人嚴氏徐王王夫人王氏沂王和王信王
未出閣則安康王榘建安郡王模嘉國公挺昌國公柄
溫國公棟儀國公椅瀛國公桐山降帝姬則曹寅嘉德
帝姬宋邦光安德帝姬曹晟榮德帝姬蔡條茂德帝姬
向子房成德帝姬田丕洵德帝姬劉文彥顯德帝姬未
出降則華福惠福令福純福甯福承福六帝姬如嬪則

王貴妃喬貴妃韋賢妃王婉容閻婉容任婉容王婕妤
小王婕妤好崔美人五王官則燕王偲越王俛口王必和
義郡王偉永甯郡王儀獨留皇后太子主國○會編入
日戊辰開傳自軍前齋文字來催推戴狀十日庚午又
齋到元帥劄子并牒十一日辛未元帥府令百官狀申
乞立張邦昌皇后太子出詣軍前十二日壬申孫傳等
連狀乞立趙氏粘罕令押孫傳張叔夜起軍前十三日
癸酉百官具狀請立張邦昌十四日甲戌軍前封牒來
許立張邦昌爲皇帝十五日乙亥王紹草推戴表十六
日丙子金遣曹少監郭少傅同開封府徐秉哲治事二
十日庚辰金人移文再括金銀二十七丁亥金人令
勸進張邦昌三十日庚寅金人報邦昌明日入城三月
辛卯朔太宰張邦昌入南薰門三日癸巳金人來促勸
進取推戴狀七日丁酉金人立張邦昌爲大楚皇帝十
二日壬寅金人曉諭諸路榜文十三日癸卯二帥差高
慶裔李士遷賀楚國十四日甲辰邦昌乞免征稅金銀
十七日丁未又乞免括金銀二十
八日戊午金與邦昌減免銀絹書 ○四月庚申朔宗翰
宗望執宋二主以歸會編二十九日己未上皇淵聖北

同國相由
河東路

○五月庚寅朔宋康王構卽位于歸德○戊

午宋康王遣太常少卿周望使河北軍前通問二主

河案

北元帥宗望薨于六月故
無回書據宋高紀月日補

○七月丁未宋遣宣義郎假

工部侍郎傅雱使河東軍前通問二主

甲伐錄七月十
九日准黃河南

岸遣過兵士丁俊馬立等齎到大宋皇帝奉使國相元帥通問所牒封當府照到來上寫大宋二字爲國號不同不敢收留已回牒卻于原差來人處齎回及已具申稟元帥府施行候奉到指揮別行牒去○傅雱建炎通問錄時河北使命易通係已差人周望河東使命難通被差人多乞辭免七月盡到鞏差人齎牒去大金國河陽府投下同牒稱國號不同難以過河未敢擅放至九月方得河陽關報稱已得指揮許令南使渡河金接伴使二人俱至正使學士王秉彝副使契丹蕭太尉既到雲中府國相遣館伴大理卿陳侗相見因託關借臺桌共三十以兩桌載朝廷禮物二十八桌載使人私覲禮物次日引見入府前見三人皆席地重氈趺坐一是左

監軍兀室耶君一是右監軍余賸一是國相公使人當
中揖少立然後跪膝打話須臾高慶裔傳耶君旨奉使
遠來不知理會甚公事勞荅皇帝方即位使人于貴朝
通問令再三起居耶君百事草創禮意未周旋語次耶
君云使人方來通問莫非要取二帝卽荅皇帝于父兄
實不能忘全在耶君於念有旨卽令回館別聽指揮
因館件屢懇二帝事貴朝諸公如有甚商量否館伴云
此事必須中去國中軍前恐決此事不得又言假有允
意豈肯說盡今第一次遣二公來必無便許之理須有
曲折乃可商量若欲一次便允恐無此理○弔伐錄康
王書云六月口日大宋皇帝致書于大金國相元帥帳
前痛念本國遠通貴朝一變歡盟重罹禍亂初謂登陴
不下荷德何言終聞舉族偕行措躬無地繼體非心投
告無所惟國相元帥特擴大度深矜至衷資二帝之南
還釋六宮而借從無留宗族併返官聯上承天地好生
之心俯慰黎元願望之意有二帝諸后問安表箋併望
指麾卽令通達回康王書云十月四日元帥府右監軍
右都監致書于前宋康王閣下且以亾宋屢違誓約故
前有城下之盟今有滅國之舉擇立賢人告諭諸路今
閣下身旣脫網亦合守分輒敢竊入汴邑僭稱亾號遣

使詣府一無遜辭及求父兄宗親官屬而陰遣軍兵須
來戰鬥全無追悔之意獨有力拒之心況朝廷所立大
楚皇帝不言所在之處帥府議定割與西夏國陝西諸
路之地有無已未依從難議允聽今因使專書奉達案
此據宋牒文補
故不詳至日 ○十一月壬辰宋遣假刑部侍郎王倫

閣門舍人朱弁充軍前通問使○十二月丙寅宗輔伐

宋

六年

戊申
建炎二年

○正月宋康王奔揚州○二月丁丑宋遣

試戶部尚書劉誨合州防禦王貺充軍前通問使○五

月丙申宋遣資政殿大學士宇文虛中□□□楊可

輔充祈請使○七月乙巳宋康王貶號稱臣遣使奉表

○十月庚辰宗翰宗輔會軍于濮○十一月乙未宋遣

假禮部侍郎魏行可右武大夫和州團練使郭元邁充

軍前通問使

案郭元邁從雲麓漫鈔采入

七年

己酉建炎三年

○正月己丑宋遣李鄴周望宋彥通吳德

休等充軍前通問使

汪伯彥時政記是日上日第四祈請使副宜早發朱勝非曰奉使須

得金帛方能辦私覲鄴等私乞支賜故未便行上日合請何傷今次支賜優加其數二聖得歸朕豈吝金帛潛善曰第二三次奉使歸皆云金人受私覲物又非昔比更無回荅又不敢少忤其意恐害和議加數甚善上曰卿卽撰書令早行潛善曰與元帥書自來是平文不用四六上曰卿早來所撰足矣不必四六也 ○二

月戊午宋遣閤門祇候劉俊民奉書使軍前仍持張邦

昌約和書以行

案三月庚寅宋遣王孝迪盧益爲國信使口道宗鄭大均爲副使黃大本吳時

敏爲先期告請使此二使爲苗劉所遣不行故附入注

○五月乙酉宋遣朝散郎

洪皓爲通問使龔璘副之

宋高紀七月癸未命學士院草大金國表本付張浚

○

七月丁酉宋遣試工部尙書崔縱使軍前○八月丁卯宋遣杜時亮使軍前假武功大夫宋汝爲副之○九月丙辰宋遣張邵等充通問使楊憲副之○十月丁酉宋壽春安撫使馬世元以城降○十一月戊午宋遣孫悟等充軍前致書使○壬戌宗弼渡江○丁卯宋知江甯府陳邦光以城降○十二月丁亥宗弼克杭州阿里蒲盧渾追宋康王于明州宋康王入于海

八年

庚戌建炎四年

九年

辛亥紹興元年

○宋高紀九月丁未詔歲再遣使省謁諸陵因撫問河南將士

十年

壬子

紹興二年

○

會編八日

金人遣王倫歸

○

宋高

○九

月宋遣潘致堯等爲軍前通問使

宋高紀附茶葉金幣進兩宮十月甲辰潘

致堯至楚州通判州事劉晏劫其禮幣奔劉豫

十一年

癸丑

紹興三年

○

會編四月

潘致堯使金還

○

宋高紀

五月壬戌潘致堯還言金人欲重臣

通使以取信

○五月丁卯宋遣端明殿學士韓肖胄

○胡松年充軍前通問使

宋高紀十一月甲子韓肖胄等使還○案雲麓漫鈔李易

安有送兩公北使詩

○十二月遣職方郎中王栩

壽如宋

宋高紀十二月己酉金元師府遣李永壽王栩來見○會編差趙子畫館伴胡松年押宴○攻

媿集節愍王公倫碑肖胄使還金遣李永壽王栩踵至

○宋禮志聘使儀十二月進呈金使李永壽正旦入見故事百官俱入上曰全盛之時神京會同朝廷之尊百官之富所以夸示今暫駐于此事從簡便舊日禮數豈

可盡行無庸俱入使人
見辭並賜食于殿門外

十二年

甲寅

紹興四年

○正月乙卯宋遣樞密承旨章誼中書

舍人孫近充奉表通問使

宋史章誼傳紹興四年金遣李永壽王栻來欲畫江以益

劉豫且遣大臣爲報加誼龍圖閣學士充奉表通問使
給事中孫近副之○宋高紀七月辛未誼等使還入見

粘罕致書約淮南毋屯兵

○八月乙未宋遣試工部侍郎魏良臣果

州團練使王繪充軍前奉表通問使

王繪紹興甲寅通和錄繪等此行入

謂使路已通決無足慮繪獨憂其非前日之比朱勝非
曰何故曰前此王倫歸言金人要遣使商量故遣潘致
堯等行泊還云金欲大臣往彼故韓胡二樞密往尋金
使李永壽王栻來聘所需之事故以章尚書孫侍郎往
及還所議互有可否獨經界未定今繪等所授使旨皆
已陳述別無可議此行爲逗留之迹明矣又曰今所攜
禮物六分粘罕以下皆有之獨不及金主萬一親到金
廷何以藉手九月十九日朝辭上曰卑辭厚禮朕且不

憚如歲幣歲貢之類不須計較十一月十日自鎮江西
津渡江十二日至揚州會韓世忠送出北門夜宿大儀
鎮十三日早行午後見胡騎數十人來放箭卽報以講
和使來箭止因聯騎往天長去路次與羣兒萬戶相見
入天長軍十四日出南門轉西有三百餘騎圍定拽繪
等下馬萬戶按劍怒問云你昨道韓家已回卻因甚來
奪橋豈不是暗地來算害我舉斧幾欲加害繪云某等
拚命前來講和豈知世忠計謀若不見察願卽就死萬
戶揮手云且教你元帥處去卽差蕭太尉來同到寶應
縣用黃河渡船擺渡又見差到接伴官蕭團練褐祿李
少監聿興相見卽問來議何事繪云此來爲江南欲守
見存之地每歲貢銀絹二十五萬兩匹論辯久之聿興
云元帥要國書看可將去否繪等卽以議事迎請二聖
兩書授幕外人將去十九日午來請上馬同行見捷懶
向前禮畢卽云繪等奉皇帝指揮至誠懇請早定和議
迎請二聖譯者云元帥旨今次舉兵爲生靈不得安定
繪云大國若以生靈爲念天下幸甚江南所以再三懇
請上國正爲生靈不得休息且告元帥矜存趙氏社稷
憫恤一方生靈譯者又云元帥令你們且回下次候左
帥議定事節交你們去卽退二十六日褐祿傳元帥指

揮卽今日起發回去繪云國書納訖見有上大金皇帝表二聖二后表丞相元帥物錄六封乞留軍前譯者云上皇帝表留下其餘將去少頃上馬萬戶送行二十八日夜至常州二十九日夜至潞野關十二月朔至平江府

熙宗天會十三年

乙卯 紹興五年

○五月辛巳宋遣何蘇范甯

之奉使請和通問二主

十四年

丙辰 紹興六年

十五年

丁巳 紹興七年

○會編正月二十五日丁亥何蘇范甯之奉使回得道君皇帝甯德皇后訃

音

○二月庚午宋遣假徽猷閣待制王倫武經大夫高

公繪充迎奉梓宮使

宋高紀十二月癸未王倫等使還入見言金國許還梓宮及皇太后

又許還河南諸州軍

○十二月丁亥宋復遣王倫等充奉迎梓宮

使

天眷元年

戊午

紹興八年

○五月丁未遣烏陵思謀少卿石慶

同宋使王倫等入宋

宋高紀六月丁丑烏陵等入見○會編思謀不出國書不赴都堂欲

宰執就俛議事趙鼎問所議者何事思謀曰有好公事商議鼎曰道君皇帝諱日向不得聞更有何好公事因問其來曰王倫懇之故來問割地曰地不可求而得聽大金還與汝鼎以爲非好謀遂與議定出國書引見之禮甚倨上曰朝廷數遣使議和不從今忽來議和何也思謀曰皇帝不欲用兵恐生靈塗炭上曰俟朝廷議之思謀請上自決令退館以俟急召馬擴入館伴之因序海上相見之好且屈指舉諸人小字詢其安否思謀皆舉其封諱以荅○宋禮志聘使儀金國遣聘使來就驛議和詔王倫就驛賜宴○七月乙酉朔

宋復遣端明殿學士王倫知閤門事藍公佐充奉迎梓

宮使○八月己卯以河南地賜宋遣右司侍郎張通古

明威將軍蕭哲詔諭江南

會編十一月二十日甲申金遣張通古爲江南詔諭使蕭

哲爲明威將軍副之差起居舍人范同爲接伴使十二

月一日與王倫偕到館通古以持金國詔來許割三京

河南地還梓宮反太后事要與人主抗禮又欲上面拜

金國詔書故刊館旬餘未得引見是時朝議未定或請

列祖宗御容而置金詔于其中拜之紛紛者累日通古

又索備玉幣迎詔書百官導從秦檜獨主其事坐待漏

院中置詔于殿門外命三省吏服銀緋服綠密院吏服

紫腰金盡赴館候使人出則咸導從使人以爲百官也

日高始出館馳馬入門通古持詔其詞不遜上皆容忍

之錫賚極厚○宋高紀十一月戊戌王倫入見己亥復

以倫爲國信計議使十二月乙卯以宗正少卿馮楫爲

副使乙亥命韓肖胄等爲奉表報謝使丙子張通古至

行在言先歸河

南地徐議餘事

二年

己未

紹興九年

○會編正月丙戌以王倫爲同簽樞密院事迎復梓宮奉迎兩宮交割地界使藍

公佐副之遣同簽樞密院事韓肖胄爲國信報謝使錢

恒副之與張通古偕行○案遣王藍兩使制見劄一止

茗溪集

○四月己卯宋遣端明殿大學士韓肖胄德慶軍

節度錢恂謝賜河南地

岳珂程史紹興己未金人歸我侵地曲赦新復州縣文曰上穹

開悔禍之期大金推許和之約割河南之境土歸我與圖戢宇內之干戈用全民命兀術讀之以爲不歸德其

國明年遂起兵復陷而有其地○會編王倫藍公佐使金至京師以金人已退地去倫遂權東京留守知開封

府二月趙士儀爲朝陵使張燾副之○八月庚午宋遣禮部侍郎蘇符等

來賀明年正旦

宋高紀十二月兀術留蘇符等于東京謀復取河南十年三月丙申蘇符還○

案此使應入來年首行因被拘不 ○九月壬寅宋遣端

在賀列紀表皆不書故附于此明殿學士王倫保信軍節度藍公佐奉表乞歸父喪及

母韋氏等

會編七月東京留守孟庾至京師王倫與公佐渡河北去金人留倫不遣獨公佐歸○宋

高紀七月丁亥金人拘王倫于中山十月辛未王倫被拘于河間遣公佐先歸○史王倫傳倫至上京有司詳

讀康王表文不書年閱進奉狀稱禮物
不言職貢上使宰相責倫遂留不遣

三年

庚申

紹興十年

會編正月丙戌以工部侍郎莫將爲迎
護梓宮奉迎兩宮使韓恕副之使金國

○四月癸亥宋遣禮部尙書莫將宣州觀察韓恕來迎

父喪及母韋氏等○五月己卯詔復取河南陝西

會編金人

以還我三京河南爲非便因大悔悟遂定議叛盟復侵
三京河南以兀朮爲帥提兵渡河十一日甲申寇京師
孟庾叛降西京留守李利用棄城走河南府總管縣輝
棄城走十三日丙戌陷拱州十四日丁亥寇應天府二
十日癸巳亳州王彥光叛降二十六日己亥劉琦敗金
人于順昌府二十八日辛丑吳璘敗金人于鳳翔府

○十二月乙亥復伐宋淮南

皇統元年

辛酉

紹興十一年

○二月壬申宗弼克廬州

會編二月三日

陷廬州○朱高紀二月丁亥沂中鎭敗兀朮于拓皋己
丑兀朮戰于店步又敗之復廬州○會編八月八日金

遣莫將韓恕同金元帥第一書云國家推不世之恩全
界濁河永圖康乂豈謂狂謀惑亂輒肆慢詞不量己力
搖蕩邊鄙剽攘城邑今者肅將天威問罪江表師
行期近義當先告莫將等同惟閣下善圖之
○九

月丙申宋遣□□□劉光遠成州團練曹勛充通問

使會編荅書云莫將等同特承惠書今聞與師問罪先

加寬宥生靈之幸下國之願也十月金人陷泗州又陷
楚州乙亥元帥第二書云今月四日劉光遠等來書爲
慰所請有可疑者行人面語聽其脫落果能知非自悔
當遣尊官名望夙著者持節而來齎牘敷陳萬一可及

○十月壬午宋遣魏良臣王公亮充稟議使會編荅書云光遠等

同示書忻感又承將幣益深慚荷今再遣魏良臣王公
亮充稟議使副專令聽取鈞誨顧力可遵敢不竭罄以
荅再造十一月七日辛丑元帥第三書云近魏良臣至
承惠書自訟前失良見高懷昨離闕時親奉聖訓許以
便宜從事故本司可與閣下成就此計本擬上自襄江
下至于海爲界重念河南凋弊日久不如不得淮南惟

唐鄧三州以地勢觀之亦是淮北不在所割之數來使云歲貢銀絹二十五萬兩匹既能盡以小事大之禮貨利又何足道正以所乞爲定今遣蕭毅邢具瞻等爲審議使奉使江南審定可否之間有不可言者一一口授惟閣下

○十一月辛丑遣蕭毅邢具瞻如宋

宋高紀十一月辛丑

兀术遣審議使蕭毅邢具瞻與魏良臣等偕來壬子蕭毅等入見始定議盟誓○宋禮志聘使議十一月金國遣審議使來入見時殿陛之儀議猶未決議者謂兵衛單弱則非所以隆國體欲設仗衛恐駭北情乃設黃麾仗千五百人于殿廊○宗弼以便宜與宋畫淮爲界大李蔽以帟幕班定徽帷○宗弼以便宜與宋畫淮爲界大李諫征蒙記皇統元年副元帥兀术誅都元帥撻辣以割河南地與宋有逆謀提師過淮復取河南同師謂南北行府三帥曰吾近因國有叛臣結連南宋自領大兵問罪至亳州竊慮越淮無橋阻遏車騎吾心熒惑未決忽淮陰二進士遠來獻平宋策急遣龍虎阿魯保探路先行韓常周燦騎兵繼至淮上吾入盱眙疑有重兵把守龍虎使報曰淮南無一人一騎爲備已遣五千騎越淮分守盱眙龜山把截水路兩處造橋吾大喜晝夜兼行

至淮上果橋成六座分步騎徑濟淮源占據運河擺佈
斥埃細探南耗東過淮陰南至六合西臨昭信晝夜不
絕因觀宋室新立龜山城寨臨淮大勢就山爲隘若聚
根屯兵此地据守吾雖鐵人未敢輕舉但見空壁吾心
自恃宋室空有建城立勢之心而無聚糧據守之法又
觀二進士所陳圖策淮南路肝貽至楚州行路窄隘左
有長淮右臨河渠糧道遙遠有過邵伯至山陽人騎同
惟是獲到菱實雞頭蓮子聞諸軍不避寒酸踏泥打凍
決池澗港掘藕拾菱尋魚摸蚌又宰殺驢騾相兼爲食
諸軍飢苦之聲不忍聞但虛心寬慰而已又諸將士云
輜重俱盡有食奴婢者又多言南軍不測要來淮上吾
心所料南宋旣修起肝貽尙無守法安有智謀就敵也
決無渡江之理獨與蕭平章計議大言檄書于宋若從
此約請詣轅門計議如敢違拒水陸星電越江蕭平章
去後日視諸軍飢心嗷嗷忘失晝夜龍虎阿魯保言若
南宋受檄得半軍回若宋軍渡江不擊自潰荅曰爾論
正與吾心同吾西望糧運南聽蕭信心神不甯如此月
餘忽蕭平章躍騎走報不覺喜感天神與南使同來議
畫淮爲界信誓約定南使歸吾班師回點集軍馬輜重
騾馬依稀四分奴婢十無六七惜哉軍機至此而不能

洪若能決無一人一騎得回也吾私心用智但一概書下宋取捷乃萬世不傳之上策○宋高紀十一月乙卯以簽樞密院何鑄充報謝進誓表使○會編何鑄進誓表元帥第四書云今十一日使來伏承手示良可嘉尚所進誓表卽時津發赴闕今大事已定其間一二未盡者審議使蕭毅等已定議所有北人各于逐處沿邊州城交割唐鄧二州已望差官趁此月下旬交割陝西地界有犬牙處請依原約于明年正月下旬差官于鳳翔府會合其濠楚等州縣新附戶口盡數遣復本土商賈留在淮北者已令刷歸所有海泗州連水軍在南百姓亦望發過淮北宋荅書云垂諭大事已定非國公以生靈爲念他人豈能辦此敢不如命先次津發耶律溫周等餘當節次發遣唐鄧二州已遣莫將聿前去陝西地界亦已差鄭剛中前去

二年

壬戌

紹興十二年

○會編正月和議既定盡淮河中流爲界故泗唐鄧商州皆係割還金人之

地遣莫將周聿交割十八日壬子與元帥書云據邊報唐鄧界上緣本縣騎甲軍到來陝西隴城寨將官領軍于治坊鎮打劫皆不安帖恐○二月辛卯宋遣端明殿惹生事敢望尊嚴約束幸甚

學士何鑄容州觀察使曹勛來進誓表許歲幣銀絹二

十五萬兩匹畫淮爲界

宋高紀二月癸巳金主許歸梓宮及皇太后遣何鑄等還○書

錄解題奉使雜錄一卷紹興十二年何鑄使金所錄禮物名銜表章之屬

○三月丙辰遣左

宣徽使劉筈禮部尙書完顏宗表策宋康王爲宋帝左

副點檢賽里都轉運使劉禎以故天水郡王等三喪高

居安以宋帝母章氏歸于宋

宋高紀四月甲子朔遣孟忠厚爲迎護梓宮禮儀使

王次翁爲奉迎兩宮禮儀使丁卯金遣完顏宗賢劉禎護宋梓宮高居安護送皇太后來○宋回鑿事實差吏

部員外郎范同充接伴使高州刺史劉光遠副之吏部侍郎魏紅充館伴使知閤門事藍公佐副之○史劉筈

傳皇統元年假中書侍郎充江南封冊使既至臨安而宋人勝共居曰行宮筈曰未受命而各行宮非也請去

勝而後

○五月乙卯遣中書侍郎劉筈禮部尙書完顏

宗表賜宋誓詔

會編五月三日沈昭遠假禮部尙書爲賀大金生辰國信使王公亮假保信軍

承宣使副之金元帥第六書云據張中孚節使及弟中彥鄭億年資政皆常委以近上職任隨行家眷乞發來

團聚張孝純杜充各居外臺之任及宇文銀青光朝特旨更不遣還其妻子亦當聚首並望津發答書云惟是

烏陵尙書與鄭剛中分畫陝西地界和尙原方山原兩處依舊保守今畫圖兩本用硃紅擬畫一本納呈乞降

下烏陵尙書照使縱有少侵口口曾占地界去處止是從欲與川路留少藩籬以安人心亦乞矜允其一本已

降與鄭剛中遵用伏乞鈞照 ○八月丁卯詔遣宋使朱弁張邵洪皓

等歸 宋高紀八月以方俟萬充金國報謝使 ○會編八

同往交割緣照鳳成階祐四州于彼切近更不交割續據本官申大散關全屬本朝于關外立爲界首又據贊

謀申五月中鄭剛中公文稱商州卻以龍門關爲界與來書所限不同豈是原約乞早施行 ○宋高紀八月鄭

剛中分畫陝西地界割商秦之半界金國存上津豐陽天水三縣及隴西成紀餘地棄和尙方山二原以大散

關爲界九月丙午金使劉箬完顏宗表等九人入見戊申藏金國誓書于內侍省以王次翁充金國報謝使十月甲寅始遣楊愿使金賀正旦○會編十月楊愿假戶部尚書爲賀金正旦國信使何彥良假奉國軍承宣使副○十一月宋遣參知政事万俟卨榮州防禦使邢孝

揚奉表謝封冊誓詔○十二月庚午宋遣參知政事王次翁德慶軍節度使錢愐奉表謝歸三喪及母韋氏

三年

癸亥
紹興十三年

○正月己丑朔宋遣中書舍人楊愿宣

州觀察使何彥良賀正旦

會編皇太后嘗許金國劉皇后首飾頭面珠翠之屬附走

馬天使行○熙紀以太子喪不御正殿詣皇極殿遙賀

○乙巳宋遣戶部侍郎沈

昭遠福州觀察使王公亮賀萬壽節

熙紀天會十四年正月乙酉萬壽節

上本七月七日生以同皇考忌日改用正月十七日○李心傳繫年要錄金主亶以七夕生以其國忌故錫宴

諸路用次日朝廷每遣使金人循契丹舊例不欲兩接使人因就以正月受禮自此歲以爲常○大金國志賀禮金茶器千兩銀茶器萬兩錦綺千匹正旦亦如之○宋高紀六月庚戌洪皓張邵朱弁來歸八月己亥遣鄭朴等使金賀正旦王師心等賀金主生辰○十一月遣右宣徽使完顏華秘

書少監馬諤爲賀宋正旦使

宋高紀十二月己酉金遣完顏華來賀明年正旦○

宋史楊愿傳紹興十三年充賀正旦接伴使金使完顏畢欲據主席不拜以禮折之就充送伴使○宋禮志聘使儀特詔內侍省差使臣三員沿路賜御筵一員于平江府一員于鎮江府一員于盱眙軍尋詔金國賀正旦使人到闕赴宴等坐次合與宰相相對稍南使副上下馬于執政官上下馬處三節人從並于宮門外上下馬立班則于西班與宰相相對立仍權移西班使相在東壁宰相之東十四年正月一日宴金國使人于紫宸殿文臣權侍郎以上武臣刺史以上赴坐自後正旦賜宴倣此

四年

甲子

紹興十四年

○正月癸丑朔宋遣權兵部侍郎鄭朴

保順軍承宣使何彥良賀正旦

宋高紀正月丁巳遣羅汝楫等報謝金國○

己巳宋遣權工部侍郎王師心解州防禦使康益賀萬

壽節

案汪文定集師心銘同

○三月宋遣吏部尚書羅汝楫鎮東

軍承宣使鄭藻謝賜正旦○四月遣安國軍節度使烏

延和大理少卿孟浩賀宋生辰

宋高紀五月己巳金始遣烏延和等來賀天申

節○國志禮物珠一囊金帶一條衣六對綾羅紗五百段馬十匹自是歲如之○案宋高紀五月十四日生禮志五月二十一日爲天申節○宋禮志五月金國始遣賀天申節使來有司言照舊例北使賀生辰聖節使副隨宰臣紫宸殿上壽進壽酒畢皇帝宰臣以下同使副酒三行教坊作樂三節人從不赴既而有請乞隨班上壽許之仍賜酒食遇賀正人使朝○宋遣吏部侍郎假辭在上幸祠宮致齋之內仍用樂

尚書陳康伯嘉州防禦假保信軍承宣使錢愷謝賜生

辰

宋高紀八月丁未遣林保使金賀正旦宋之才賀金主生辰

○十一月遣殿前右

副都點檢李散溫東上閣門使高慶先爲賀宋正旦使

國志禮物金酒器六事色綾羅紗穀三百段自是使命往復貢物亦循此例○宋高紀十二月癸卯金遣李散

溫來賀明

年正旦

五年

乙丑紹興十五年

○正月丁未朔宋遣權吏部侍郎林保

知閣門事康益賀正旦○癸亥宋遣權禮部侍郎宋之

才閣門宣贊舍人趙瓌賀萬壽節○四月遣殿前左副

都點檢完顏宗尹翰林待制程案賀宋生辰

宋高紀五月甲子金

使來賀天中節九月辛酉遣錢周材使金賀正旦嚴抑賀金主生辰○十一月遣殿前右

副都點檢蒲察說刑部侍郎吳磐福爲賀宋正旦使

宋高

紀十二月丁卯金遣使來賀
明年正旦○案說卽阿虎迭

六年

丙寅
紹興十六年

○正月辛未朔宋遣權刑部侍郎錢周

材閣門祗候俞似賀正旦○丁亥宋遣權工部侍郎嚴
抑閣門祗候曹沒賀萬壽節○四月遣彰德軍節度使

烏古論海同知宣徽院事趙興祥賀宋生辰

宋高紀五
月丁亥金

使來賀天申節八月壬子遣邊知白使金賀正旦周執
羔賀金主生辰九月甲戌命何鑄等爲金國祈請使請

國○十一月宋遣端明殿學士何鑄賔德軍節度使邢

孝揚爲祈請使

朱史何鑄傳再遣使金事
祕不傳旣歸報許以大用

○遣會甯尹

盧彥論四方館使張仙壽爲賀宋正旦使

宋高紀十二
月辛酉金遣

使來賀明

年正旦

七年

丁卯 紹興十七年

○正月乙丑朔宋遣權戶部侍郎邊知

白閣門宣贊舍人孟思恭賀正旦○辛巳宋遣權禮部

侍郎周執羔知閣門事宋錢孫賀萬壽節○四月遣殿

前右副都點檢完顏下東上閣門使大蛙賀宋生辰

宋高

紀五月辛巳金使賀天中節八月戊申遣沈該使金賀正旦詹大方賀金主生辰

○十一月遣

殿前左副都點檢完顏宗藩東上閣門使吳前範爲賀

宋正旦使

宋高紀十二月丙辰 金使來賀明年正旦

八年

戊辰 紹興十八年

○正月庚申朔宋遣禮部侍郎沈該閣

門宣贊舍人蘇華賀正旦○丙子宋遣工部尙書詹大

方閣門宣贊舍人容肅賀萬壽節

案韓沈澗泉日記紹興戊辰太常少卿方

庭碩使金展視陵寢宋高紀要錄會編皆不載○四月遣會甯尹蕭秉溫東上

閣門使申奉顏賀宋生辰宋高紀五月丙子金使賀天申節八月壬申遣王墨卿使

金賀正旦陳誠之賀金主生辰○十一月遣殿前右副都點檢召守忠

同知宣徽院事劉君詔爲賀宋正旦使宋高紀十二月庚辰金使來賀

明年正旦

九年己巳紹興十九年○正月甲申朔宋遣起居舍人王墨卿

惠州刺史蘇華賀正旦○庚子宋遣權禮部侍郎陳誠

之吉州刺史孟思恭賀萬壽節○四月遣殿前左副都

點檢唐括德溫四方館使高居安賀宋生辰宋高紀五月庚子金

使賀天申節○要錄九月遣太常少卿張杞和州團練使趙述使金賀正旦司農卿湯鵬舉吉州刺史石靖賀

金主生辰○張棟圖經地里驛程泗州至臨淮縣六十
 里臨淮至青陽驛入十里青陽至虹縣入十里虹至靈
 璧縣六十里靈璧至靜安鎮六十里靜安至宿州六十
 里宿至蕪澤鎮六十里蕪澤至柳子鎮五十里柳子至
 永城縣六十里永城至鄆陽鎮三十七里鄆陽至會亭
 鎮三十七里會亭至穀熟縣八十里穀熟至南京四十
 里南京至甯陵縣七十里甯陵至拱州六十里拱至雍
 邱縣七十里雍邱至封邱縣六十里封邱至胙城縣四
 十里胙城至沙店河南鋪四十五里沙店至滑州四十
 里滑至濟州二十五里濟至皮家莊三十五里皮莊至
 安陽縣四十里安陽至相州三十里相至豐樂鎮三十
 里豐樂至磁州三十里磁州至臺城鋪三十里臺城至
 邯鄲縣三十里邯鄲至臨洺鎮四十里臨洺至沙河縣
 三十五里沙河至邢州十里邢至都城店二十五里
 都城至內邱三十里內邱至范縣店十五里范店至柏
 鄉縣二十五里柏鄉至江店十五里江店至趙州三十
 里趙至欒城縣三十里欒城至靈店鋪三十五里靈店
 至真定府二十五里真定至故縣南鋪三十里故縣至
 新縣三十里新縣至中山府四十五里中山至望都南
 七里店四十里七里店至經陽店四十里經陽店至保

州三十五里金人改爲徐州保州至梁門四十五里梁
門至故城店三十里故城至黃邨鋪三十里黃邨至澤
伴鋪三十里澤伴至涿州三十里涿至劉李店三十里
劉李至良鄉縣三十里良鄉至盧溝河鋪三十里盧溝
至燕京三十里燕京至交亭三十里交亭至潞縣三十
里潞至三河縣三十里三河至下店四十里下店至邦
軍店三十五里邦軍至薊州三十里薊至羅山鋪三十
里羅山至玉田縣三十里玉田至沙流河四十里沙流
至永濟務四十里永濟至榛子店四十里榛子店至七
箇嶺四十里七箇嶺至赤峯口四十里赤峯至平州四
十里平至雙望店四十里雙望至新安四十里新安至
舊榆關三十里榆關至潤州三十里潤至遷州四十里
遷至南新寨四十里南新至來州四十里來州至石家
店四十里石店至隰州四十里隰至楊州館五十里楊
州至桃花島四十里桃花至童家莊四十里童家至胡
家務四十里胡家至麻吉步洛四十里步洛至新城四
十里新城至茂州四十里茂至楊隱寨四十里楊隱至
軍官寨四十里軍官至顯州五十里顯至沙河五十里
沙河至兔兒壩口十里兔兒至梁魚務三十五里梁魚
至大河六十里大河至廣州七十里廣至瀋州六十里

瀋至蒲河四十里蒲至興州四十里興至銀州南鋪五
十里銀南至銅州南鋪四十里銅至咸州南鋪四十里
咸至肅州南鋪四十里肅南至安州南鋪四十里安南
至夾道店五十里夾道至楊柏店四十里楊柏至奚營
四十里奚營至沒瓦鋪五十里沒瓦至木阿鋪五十里
木阿至信州五十里信至威州四十里威至小寺鋪五
十里小寺至勝州鋪五十里勝至濟州四十里濟至東
鋪二十里東鋪至北易州五十里北易至賓州七十里
渡混同江賓至沒打孛董鋪七十里孛董至會甯二鋪三十五
十里來流至阿薩鋪四十里阿薩至會甯二鋪三十五
里二鋪至頭鋪四十五里頭鋪至上京三十里上京至
燕二千七百五十里燕至南京一千三百一十七里南
京至泗州一千三十四里○案此爲泗州至上京五千
餘里驛程當爲晝淮以後未遷燕以前兩國使臣道里
如此故載入此年未惟里數與總數不合必有舛謬無
可校正矣又自榆關以後潤遷來隰等州皆承遼舊名
與皇統初年
改併不同

海陵天德元年

己巳
紹興十九年

○十二月宋賀正旦生辰使

至廣甯遣人諭以廢立之事於中路遣還○遣殿前右

副都點檢完顏克西上閣門使劉箴爲賀宋正旦使案

有都亭告病
事見神麓記

二年

庚午
紹興二十年

○正月辛巳以名諱告諭宋國○遣侍

衛親軍步軍都指揮使完顏思恭翰林直學士翟永固

爲報諭宋國使

宋高紀三月庚辰入見案思恭有不觀
潮事○又丙戌遣余唐弼賀金主卽位

○二月甲子遣兵部尙書完顏元宜修起居注高懷貞

爲賀宋生日使

宋高紀五月甲午金使賀天
申節○案元宜紀作思恭

○六月丙

午朔宋遣參知政事余唐弼保信軍節度使鄭藻賀卽

位唐弼等同以天水郡王玉帶歸于宋主

宋高紀八月
辛酉遣陳誠

之使金賀正旦王

○十一月遣秘書監左諫議大夫蕭

頤翰林待制王競賀宋正旦

宋高紀十二月己巳金使來賀明年正旦○案蕭頤

作西湖

行記

三年

辛未

紹興二十一年

○正月癸酉朔宋遣權禮部侍郎陳

誠之均州觀察使錢愷賀正旦

案有李和燭栗事

○戊子宋遣

起居舍人權直學士院王曦和州團練使趙述賀生辰

宋高紀二月壬戌遣巫伋等爲金國祈請使請修奉山陵歸淵聖皇帝及皇族增加帝號等事

○三月

庚寅遣翰林學士中奉大夫劉長言少府監耶律夔爲

賀宋生日使

宋高紀五月戊午金使來賀天申節○案夔表作五哥

○六月宋遣

簽書樞密院事巫伋保信軍節度使鄭藻祈請山陵等

事不許

會編巫伋鄭藻以祈請使使金國至闕下引見畢內殿奏公事惟正使巫伋得入金主問所請

何事伋首言乞修奉陵寢金主令譯者傳言自有看墳人伋第二言迎請靖康帝歸國又令傳言不知歸後甚處頓放伋第三言本朝稱皇帝又傳言此是你國中事當自理會伋唯唯而退待辭而歸○宋高紀八月甲申遣陳夔使金賀正且

陳相賀金主生辰

○十月以右副點檢兀朮魯定方

翰林侍講學士蕭永祺爲賀宋正且使

宋高紀十二月癸巳金使來賀

明年正且○案定方表作阿海

四年

壬申

紹興二十二年

○正月丁酉朔宋遣中書門下省檢

正諸房公事陳夔惠州刺史蘇華賀正且○壬子宋遣

樞密院檢詳文字陳相吉州刺史孟思恭賀生辰○三

月以刑部尙書田秀穎東上閣門使大斌爲賀宋正且

使宋高紀五月癸丑金使來賀天申節○會編十月孫仲鼂爲賀正使陳靖副之李琳爲生辰使石靖副之

○十月甲申以太子詹事張利用左司郎中耨盪温都

子敬爲賀宋正旦使案利用表作用直子敬表作幹帶○十二月辛未

張利用卒改遣汴京路都轉運使左瀛爲賀宋正旦使

宋高紀十二月戊子金使來賀明年正旦

貞元元年癸酉○正月辛卯朔宋遣權國子司

業孫仲鼂閣門宣贊舍人陳靖賀正旦海紀以皇弟充喪不視朝命有

司受宋○丙午宋遣吏部員外郎李琳忠州防禦使石

靖賀生辰○四月以右宣徽使紇石烈大雅廣威將軍

兵部郎中蕭簡爲賀宋生日使宋高紀五月辛亥金使來賀天申節十月戊午

遣施鉅使金賀正旦吳栗賀金
主生辰○案大雅表作撤合輦○十一月丙申以戶部

尚書蔡松年右司郎中紘石烈師顏爲賀宋正旦使宋高

紀開十二月庚戌金使來賀明年正旦○案師顏表作婁室卽良弼○中州集蔡珪作撞冰行

二年

甲戌

紹興二十四年

○正月甲寅朔宋遣中書門下省檢

正諸房公事施鉅帶御器械冀彥明賀正旦海紀以疾不視朝宋

使就館宴○己巳宋遣左司郎中吳栗閣門宣贊舍人張彥

攸賀生辰○四月辛卯以工部尚書耶律安禮吏部侍

郎許霖爲賀宋生日使宋高紀五月辛未金使來賀天申節○書錄解題館伴日錄一

卷無名氏作○宋高紀十月戊子遣沈○十月以刑部

侍郎白彥恭翰林待制胡礪爲賀宋正旦使宋高紀十二月乙巳

金使來賀
明年正旦 ○十二月丁未宋使貢方物

三年

乙亥 紹興二十五年

○正月己酉朔宋遣國子司業沈虛

中敦武郎張掄賀正旦 ○甲子宋遣左司郎中張士襄

閣門宣贊舍人張說賀生辰 ○三月庚午以左司郎中

李通同知南京都轉運耶律隆爲賀宋生日使

宋高紀五月乙

丑金使來賀天申節十月壬午遣王珉使金賀正旦鄭

相賀金主生辰 ○案會編以鄭相貪汙十一月改差徐

嘉 ○又案墨林快事 ○十月己亥以翰林學士承旨耶

律歸一大理少卿馬楓爲賀宋正旦使 宋高紀十二月

明年正旦 ○案楓疑作諷而本傳略

正隆元年

丙子 紹興二十六年

○正月癸卯朔宋遣禮部侍郎

王珉閣門宣贊舍人王漢臣賀正旦○戊午宋遣宗正

丞鄭相閣門宣贊舍人李大投賀生辰

案會編作徐嘉而錄仍鄭相

○三月庚申以左宣徽使敬嗣暉大理卿蕭中立爲賀

宋生日使

宋高紀四月庚寅遣陳誠之等賀金主尊號五月己未金使來賀天中節

○五月

宋遣翰林學士陳誠之假崇信軍節度使領閣門事蘇

華爲賀尊號使

宋高紀十月辛丑遣李琳使金主正旦葛立方賀金主生辰

○十一

月己巳朔以右司郎中梁球左衛將軍耶律謚爲賀宋

正旦使

宋高紀十二月甲子金使來賀明年正旦○案球表作鉢謚表作湛

二年

丁丑

紹興二十七年

○正月戊辰朔宋遣宗正少卿李琳

侍衛馬軍司幹辦公事宋均賀正旦○癸未宋遣左司

郎中葛立方閣門宣贊舍人梁份賀生辰○三月以禮

部尚書耶律守素刑部侍郎許竑爲賀宋生日使宋高紀五

月癸未金使來賀天申節十一月乙丑遣孫道夫等使金賀正且辛巳遣劉章等賀金主生辰○十一

月辛未以待衛親軍馬步軍副都指揮使高思廉戶部

侍郎阿勒根彥忠爲賀宋正且使宋高紀十二月戊午金使來賀明年正且

○案思廉表作助不古彥忠表作宏產

三年戊寅紹興二十八年○正月壬戌朔宋遣太常少卿假禮

部侍郎孫道夫閣門宣贊舍人鄭朋賀正且蔡松年傳有山呼事

○丁丑宋遣起居郎假祕書少監劉章閣門宣贊舍人

李邦傑賀生辰案傑會編作傑○三月辛巳以殿前副點檢兵

部尙書蕭恭太府監工部侍郎魏子平爲賀宋生日使

宋高紀正月口口金使來賀天申節十月丁亥朔遣沈介使金賀正旦黃中賀金主生辰○案會編有館伴使酒事○岳珂魏郊錄自景德以來凡中國使人蕃必隨所居官小大加借以遣之所以重王命殺遠人也議者或謂單于天驕其報聘也官雖高必降秩以示殺禮珂嘗攷之其實不然按李心傳繫年要錄日紹興二十八

年五月戊寅金國賀生辰使驛騎衛上將軍殿前副都點檢蕭恭副使中大夫尙書工部侍郎魏子平入見望宸殿子平宏州奉聖人中進士第累遷太府監又注其下曰魏子平事以金國翰林直學士趙可所撰墓誌修入誌云正隆元年授太府監三年三月充國信副使使於宋四年權右司郎中今日歷所書乃云工部侍郎則是北人亦借官也可有文集刊行心傳得之以○十一參書繫年事其言有的據表之以釋議者之疑

月辛酉以工部尙書蘇保衡吏部侍郎阿典謙爲賀宋

正旦使

宋高紀十二月壬子金使來賀明年正旦○案謙表作和實慙

四年

已卯 紹興二十九年

○正月丙辰朔宋遣祕書少監沈介

閣門祇候宋直溫賀正旦○辛未宋遣國子司業黃中

閣門祇候李景夏賀生辰

案景夏編作鼎

○四月以祕書監王

可道左司郎中王蔚爲賀宋生日使

宋高紀三月己巳金使來賀天申節

十一月遣楊邦弼使金賀正旦李潤賀金主生辰

○七月甲辰宋遣同知樞密

院事王綸昭信軍節度使曹勛奉表謝賜戒諭

案宋史王綸傳

有遣使覘敵語此使宋高紀會編皆脫○宋高紀九月

○遣使告哀于金十一月丁亥遣賀允中使金致遺物○十一月甲辰以翰林侍講學士施宜生宿州防禦

使耶律翼爲賀宋正旦使

宋高紀十二月口口金使來賀明年正旦○案程史載宜

生筆來事亦見耆舊續聞翼表作闕里刺卽次年受杖除名者○宋禮志聘使儀皇太后崩其賀正使副止就

驛賜宴見辭日賜茶酒並不舉樂大率北使至關先遣
伴使賜御筵于班荆館在赤岸去府五十里酒七行翌
日登舟至北郭稅亭茶酒畢上馬入餘杭門至都亭驛
賜被褥鈔鑼等明日臨安府書送酒食閣門官入位具
朝見儀投朝見榜子又明日入見伴使至南宮門外下
馬北使至隔門內下馬皇帝御紫宸殿六參官起居北
使見畢退赴客省茶酒遂宴垂拱殿酒五行惟從官以
上預坐是日賜茶酒名果又明日賜生餼見之二日與
伴使偕往天竺燒香上賜沉香乳餽齋筵酒果次至冷
泉亭呼猿洞而歸翌日賜內中酒果風藥花錫赴守歲
夜筵酒五行用傀儡正月朔日朝賀禮畢上遣大臣就
驛賜御筵中使傳旨宣勸酒九行三日客省僉賜酒食
內中賜酒果遂赴浙江亭觀潮酒七行四日赴玉津園
燕射命諸校善射者假管軍觀察使伴之上賜弓矢酒
行樂作伴射官與文使並射弓館伴副使並射弩酒九
行退五日大宴集英殿尚書郎監察御史以上皆預學
士撰致語六日朝辭退賜襲衣金帶大銀器臨安府書
送膳儀復遣執政官就驛賜宴晚赴解喚夜筵伴使與
北使皆親勸酬且以衣物爲侑次日加賜龍鳳茶金銀
合乘馬出北關門登舟宿赤岸又次日復遣近臣押賜

御筵自到闕朝見射弓朝辭共賜大使金千四百兩副使金八百八十兩衣各三襲金帶各三條都管上節各賜銀四十兩中下節各三十兩衣一襲塗金帶一條使人到闕筵宴凡用樂人三百人百戲軍七十人樂隊軍三十二人起立球門行人三十二人旗鼓四十人並下臨安府差相撲一十五人于御前等子內差並前期教習之。案武林舊事與宋志大略相同。○十二月乙卯而各有詳略見後大定五年可互校也。

宋遣翰林學士周麟之吉州團練使知閣門事蘇華來

告其母韋氏哀

案二老堂雜志載麟之牛魚事

○乙丑以左副點檢大

懷忠大興少尹耨盪温都謙爲宋弔祭使

五年

庚辰紹興三十年

○正月庚辰朔宋遣起居舍人楊邦弼

榮州刺史張說賀正且○乙未宋遣太府卿李潤閣門

宣贊舍人張安世賀生辰○二月壬子宋遣參知政事

賀允中保信軍節度使鄭藻爲韋后遺獻使

宋高紀二月乙卯金

使來弔祭戊午遣使報謝金國○清波雜誌顯仁上仙遣使告哀金國并致遺留禮物金器二千兩銀器二萬兩銀絲合十面各寶以玻璃玉器香藥青紅撚金錦二百匹玉笛二管玉鳳栗二管玉簫一槽象牙拍板一串象牙笙一槽縷金琵琶一副金龜筒嵇琴一副象牙二十株

○三月以殿前右副都

點檢蕭榮太子右諭德張忠輔爲賀宋生辰使○四月

宋遣同知樞密院事葉義問和州防禦使劉允升來謝

弔祭

宋高紀五月丙申金使來賀天中節十月丁未遣虞允文使金賀正且徐度賀金主生辰

○十

一月以濟南尹僕散權翰林直學士韓汝嘉爲賀宋正

且使

宋高紀十二月丁卯金使來賀明年正且○案權表作烏者卽忠義

六年

辛巳紹興三十一年

○正月甲戌朔宋遣起居舍人假工

部尙書虞允文知閣門事孟思恭賀正且○己丑宋遣
樞密院檢詳文字徐度帶御器械王謙賀戊辰○四月

以簽書樞密院事高景山刑部侍郎王全爲賀宋生日

使宋高紀五月辛卯金遣高景山王全賀天申節全揚

事且以欽宗皇帝訃聞○昆公恣敗盟記五月十九日

駕坐紫宸殿引見金人賀生辰使副高景山王全捧書

升殿進呈訖各依位立王全東壁面北厲聲奏曰皇帝

特旨昨自東昏時兩國講和朕當時雖年少未任宰執

事亦備知自卽位後一二年間帝仍差祈請使巫覡等

來言宗屬及加帝號等事朕以卽位之初未暇及此當

時不允其所言親屬則爲天水郡王昨次風疾身故外

其餘所請似亦可從今歲貢銀絹數多江南出產不甚

豐厚須取民間想必難備朕亦別有裁度兼爲淮水爲

界私度甚多其間往來越境者雖嚴械亦難杜絕及江

之地漢水之東雖有界至南北叛亡之人想常互有適

足引惹邊事不知梁王當時何由如此分畫來朕到南

京方知欲遣人于帝處備論此意近有司奉告帝以朕
行幸南京欲遣使賀灼知帝意甚勤厚就此使欲使
論及若只常使前來緣事稍重恐不能盡達兼南京宮
闈初秋工畢朕以河南府龍門以南地氣稍涼兼牧水
草亦甚寬廣于此過夏擬于八月初旬到南京帝于左
僕射湯思退右僕射陳康伯及同知樞密院事王倫此
三人內有可差一員兼殿前太尉楊存中最是舊人練
知事務江以北山川道里備曾經歷可以言事亦當遣
來又如鄭藻輩井內臣中選擇旁近委信者一名共四
人同使前來不過八月十五日以前到南京朕當宣諭
此事可從朕言緣淮南地里昔在軍前頗會行歷土田
往往荒瘠人民不多應有戶口盡與江南朕所言者惟
土田而已務欲兩國界至分明不至生惹邊事至如地
界稍有難朕亦必從來使回日已後朕以前來止會
經由泗壽州地分外陳蔡唐鄧邊面不曾行歷及到彼
處圍場頗多約于九月末旬前去巡獵十一月十二月
卻到南京帝于差來正旦使處當備細道來朕知端的
于次年二月三月間又爲京兆亦未曾知欲因幸溫湯
經由河東路分卻還中都去奏訖降殿朝見畢駕與禮
房奉聖旨爲臙腑不和可移就驛中排辦仍差參政楊

椿押宴○會編二十七日北使朝辭六月廿七日戊辰樞密承旨徐嘉充稱賀使知閣門事張掄副之○

七月壬辰宋遣樞密院承旨徐嘉知閣門事張掄賀遷

都至盱眙詔韓汝嘉論旨遣還中興禦侮錄徐嘉等及境亮不納遣中靖大夫

韓汝嘉齎金牌至傳僞旨云昨令景山全傳旨召數大臣等有所宣諭今卿等雖來即非所召者可便回去速

令原所指定人來仍限九月初到闕○九月以三十二總管伐宋宋高紀九月辛

卯金國趣使臣書至楚州守臣以聞○十月丁未渡淮癸亥次和州海紀宋人

陷德順州○十一月進軍揚州甲午會師瓜洲渡乙未遇弒

金史詳校卷五 同治己巳三月烏程汪日楨校寫